

射

鷹

樓

詩

話

羽鷹樓詩話卷二十一

侯官林昌彝惠常輯

宋襄邑許彥周顥著彥周詩話其論詩話大旨云詩話者辨句法備古今紀盛德錄異事正訛誤也若含譏諷著過惡誚訛參皆所不取余謂凡著書須有關繫詩話亦其一也余所爲詩話意專主於射鷹及有關風化者次錄焉其備古今紀盛德及辨句法正訛誤又次焉體段與彥周同而大旨又與彥周異

宣城施尙白侍講章著有學餘堂詩文侍講詩多溫柔忠

厚諸體中五言爲勝五古勝於七古五律勝於七律王阮亭先生最愛其秋風一夕起庭樹葉皆飛孤宦百憂集故人千里歸嶽雲寒不散江雁去還稀遲暮兼離別愁君雪

蒲衣之作謂此雖近體豈愧十九首耶侍講五言古詩如  
臨江憫旱登太室中峰漢柏先祖母生辰追悼成篇黃愈  
邵聞母喪南歸七古如龍衣船蓬萊海市歌諸篇皆入唐  
賢之室句如結怨不在深片語傷人心又云作吏如浮雲  
風吹不得住浮雲去無心作吏行多懼又村徑半牛跡山  
田皆水聲六朝流水急終古白鷗閒路長催老易家近恨  
歸難微雨洗山月白雲生客衣風雨殘春路關河獨去人  
恃源敦厚阮亭感舊山木二集錄詩極多又取其五言近  
體八十二聯爲摘句圖見所撰池北偶談中

永北黃肖農澦尹詩發於性情而風骨亦見雄健其丹經建  
溪灘上作云建溪怪石若蹲虎日挾灘聲作虎怒上灘之  
難難於天蜀道崎嶇安足數嗟呀大石列江澚小石兒孫

拱父祖波瀾惡詭翻白花如入陣圖漁復浦竭來擊楫月  
在午榜人苦熱汗揮雨長絙牽船船不行急浪打頭高尺  
五此時水勢不可侮執篙左右踞且俯竹竿戰水爭逆流  
方瞠赤頂力各努眼前有路總難沮性命操與洪濤賭我  
憑忠信尙驚心幾人到此不慄股排風願得叩天府載拜  
巨靈借巨斧剷除七十二危灘與人利涉都無苦王道蕩  
平一萬古其襍感詩云酒負詩逋積又盈小窗聽雨亂愁  
生幾人妙解琴中趣舉世惟談紙上兵宦拙自憐閒亦苦  
病多翻覺症無名緘書遠慰高堂望怕憶滇雲萬里程詩  
能移情吾於隄尹見之

侯官節婦盧倩雲

蘊真

余友家菊潭甥女也著有紫霞軒詩

鈔詩多有關風化之作非如裁雲鏤月者比其程濟祠云

金川門破九江奔燕子高飛入帝闕複道幸通神樂觀袈  
裟遂駐白龍村淒涼乞塊黔川黑倉卒鳴雞蜀塞昏老佛  
旣歸南內後翔鴻一去爪無痕秋色云晴空淨處片雲收  
畫裏樓臺鏡裏舟世界描成濃淡景河山寫出淺深秋霜  
楓歷亂紅迷岼露草參差白滿洲萬里蒼蒼渾莫辨凭欄  
聊爲展雙眸對鏡云曉向妝臺理鬢絲停梳猶自幾遲疑  
年來世事添心事憂喜分毫汝最知數詩不失二南婦人  
女子之旨

物之奇者每不可解如金陽曲劉氏家大寶鏡能照天地四  
方以前知休咎此物之最奇者也元遺山詩集卷十六姨  
母隴西君諱曰作第三首云寶鏡煌煌照九州埋藏曾及  
見諸劉鄴城今日無雷煥紫氣誰當辨斗牛自注云陽曲

劉氏家大寶鏡能照天地四方以前知休咎其家埋地中  
人不得見也明昌泰和申北方兵動渠父子欲卜之一日  
先以旃幕障中庭乃扃閉門戶甚嚴及掘鏡出光耀爛然  
一室盡明如初日之照鏡中見北來兵騎穰穰無數餘三  
方都無所覩因大駭曰不可不可卽埋之姨母時伏牀下  
得竊窺焉兵火後此家惟一兒子在姨母能指鏡處存否  
則不知也故予詩及之

客况總輸遊屐健詩名翻覺布衣尊此華亭沈近岑諸生

道

映句也入情之語沁人心脾布衣著有鴻跡軒稿五言句

如獨客難爲夜孤心易感秋爲番禺張南山太守所賞

前明吳縣袁孟逸布衣

景休

遺詩數首朱竹垞從繡谷蔣氏

搜出其入慧慶寺詩云新秋入古寺涼氣何清越樹杪夕

陽微山蟬鳴不歇春日過南城云黃鳥當三月城南景正  
繁桃花千萬樹不異武陵源自江村望虎邱云茲山奇且  
麗迥與江村合幽人去復來斜陽在孤塔靜志居詩話云  
孟逸隱於卜肆後閩人林古度寓法水寺見孟逸夫婦停  
棺於寺傷其無子取摺疊扇畫兩棺貯破屋中上雨旁風  
極悽楚之狀題詩其上有新安客見而憫之出私錢庇窀  
窆古度又口授遺詩刻之成集余購之不得繡谷蔣氏藏  
孟逸墨跡五翻凡十絕句亟錄三首孟逸夙見知於沈嘉  
則其送嘉則詩云道上霜寒連白雁馬頭木落見黃河殊  
有爽氣宜其訕笑詆謔及劉子威侍御也

茶竈聲清響竹廊小亭新構而橫塘漁夫晚唱煙生浦桑婦  
遲歸月滿筐一嶺山花燒杜宇滿池春雨浴鴛鴦籬邊犬

賦何人過不是詩僧是酒狂此江都宗梅岑布衣

元鼎句

也張南山謂其詩寫郊居風景殊有野趣布衣著有芙蓉詩稿漁洋山人稱其風調酷似才調集

蒲圻張白蕪布衣

開東

天才敏瞻詩逾萬首考田詩話謂白

蕪坐隻輪車遍游五嶽北踰朔漠東眺滄溟畢秋帆中丞題海嶽遊人四字贈之余愛其閔子祠詩不仕季孫易承歡後母難爲喻石農所激賞又句如日色三關遠風聲萬里來九河重渡日五嶽一歸人華蓋垂天張北斗黃河劃地鎖中原但聞衆鳥春相語不辨何花風自香皆新穎可誦

侯官家崇達孝廉

茂春

著有暢園詩稿孝廉邃於經學讀書

淵博所著書皆散失余嘗見其文選補注手稿旁行斜上



近其書已被人所竊郭象何法盛之流可深浩嘆詩稿舊  
存陳恭甫先生家今向其嗣君索之未見同里吳少阮茂  
才種家藏孝廉遺藁數首亟錄之以覘梗概其記事四詩  
渾雄悲壯刁斗森嚴國初可合梅村亭林而一之吾聞  
可與匈奴檀河而三之其詩云參弧南畔直天狼聖主殷  
憂切叛亡蠻觸風煙迷六詔荆吳戈甲下三湘中原馬援  
新籌策海上盧循枉陸梁看取漢家平徼日重標銅柱紀  
殊方邊疆烽火逼心驚太乙蒼蒼照內營蒙氏閉關爭  
蹙道漢家習戰駐昆明百盤束嶺炎風迫五月踰瀘漳雨迎  
誰逞材官身手健辛勤翻憶朔方兵星輿九域奠洪安莊  
蹻何因據百盤象齒雕題初自帝龍韜虎衛盡登壇贊皇  
忽值降番變橫海新嗟破虜難爲語尉佗休崛強國關終

用一泥丸機槍一夜見南荒漢將新秋下朔方旅衛軍裝  
朱屬鎧羽林行隊綠沈鎗千年銅馬功名遠萬里金沙道  
路長最是至尊憂六字不令芽葉啓邊疆

平陽鮑石芝明經臺著有一粟軒吟草明經詩涉筆成趣跌宕風流余喜其集中屈言葆真哀樂二詩爲有道之言不易多得其詩云虛室乃生白明鏡不受塵立身生之初瑩然葆我真一物爲掩蔽方寸生荆棘痛癢不自覺感物無由因所以岐黃書麻木爲不仁哀樂云日出東方紅日入四山黃日出氣和悅日落氣悽愴乃知哀樂端倡之自穹蒼萬古一歌哭範圍陰與陽達者爲之節反者爲淫傷吾讀二南詩畢然思文王

羅源黃南村孝廉

銓

著有南村詩存詩品澹靜能寫野外之

景其春湖觀漁和胡香海先生原韻云漁家連小艇春漲  
出湖西舉網尺鱗躍維舟雙樹齊生涯同此水門戶卽前  
溪豈識從軍者沙場臥鼓聲江上云短棹隨明月飄飄未  
有涯人如秋後燕心似雨中花杜若香爲國輕鷗水是家  
將船沽美酒莫自歎年華野店云野店蕭疎傍竹根偶然  
投足具盤飧他鄉兒女來看客到處人家不閉門雲起纔  
遮山半面鳥啼又近日初昏桃花似索行人笑一樹新紅  
映酒樽

水墨廬詩常熟陸秋玉布衣元滋著柳南隨筆云秋玉晚成  
無家圖已像於水墨中自號水墨中人秋玉詩名句細雨  
天如夢孤禽聲帶秋石級扶猿臂雲峯壓佛頭瘦燈淹雨  
色寒夢入江流人間歲月仍從甲物外漁樵不算丁鷗邊

客到雙筇水鐘外僧歸一笠雲酒於愁處終難醉詩到窮  
時亦不工皆風雅拔俗

武進徐尙之州倅

書受

著有教經堂詩藁詩多排側意由心

發吳會英才集稱州倅性情純摯內行端方州倅詩雅健  
雄深善繪山水其宿續溪山店寄訊縣尉弟佑之云泉聲  
奇以驟嶺勢險在曲令我心孔開映我眉髮綠煙林乍回  
合澗壑時斷續仰愁危石壓下有白鳥浴徑折蛇逶迤餘  
隙漏殘旭頗聞新縣尉旣至問土俗山田碎分繡高下眞  
五沃作吏毋患貧看山一生足新嶺云振衣忽霄漢巉絕  
已平視一線上天與萬笏出地底斜日在半崖高鳥飛不  
起豁然倚層空盤旋徑邈迤雲生乍籠袖澗響復盈耳何  
處煙林鐘天風吹十里躡景有羽翰蒼蒼暮凝紫

武康高東井孝廉

文照

著有關清山房詩藁吳會英才集謂

孝廉縱情山水倜儻不羈與大興朱笥河學士登臨嘯咏

幾無虛日孝廉詩明月上樓簷花欲墜其側搶篇七古足

以雄視古今七言絕句情韻獨絕其廣濟寺七律可謂中

晚名作詩云闔盡繁華小劫空赤鳥遺構冠江東雙扉畫

闔蒼煙外一聲秋寒黃葉中花不知名偏爛漫月如有意

故冥濛我來但結名山契願乞尤家十日風夏五集九峯

園送蔣香雪秋竹兄弟歸里云十弓缺地占城隈多貯煙

波畫檻開才有柳陰涼便到一鶯流出隔牆來蘆芽短短

釣船低向晚濃煙失水西半晌風漪亭上立無情聽殺郭

公嘯

秣歸城下秣歸嘯江出夔巫水漸低莫上柁樓高處望鄉山

都在夕陽西此遂甯張船山太守問陶句也絕似北宋人  
風味句如黃金堆几案不如花數枝美人實無罪溺者自  
忘身眼前眞實語入手見奇創道心一明月人境幾浮雲  
才退安微命心平悔大言皆閎秘有得之語

嘉善沈瘦客諸生

大成

詩多入情之作靈芬館詩話云瘦客

深於情一往三復詩如其人記其看燈詞云華燈萬戶影  
交枝月上黃昏也不知郎愛看燈儂愛月到無燈處立多  
時句云未見書當從客借無名花入動人憐一伎不工惟  
善病三生有福得長閒牆裏小桃花一樹只分一半與人  
看楊花莫辨多於雪都恐鴛鴦易白頭妾家花與郎家柳  
不隔春風只隔城皆情韻獨絕

懷甯徐伯符孝廉

鵬年

著有枳六齋詩稿懷舊集云孝廉嶽

寄林落意氣自豪西踰秦隴南絕江漢壯遊所至發爲詩  
歌莽莽蒼蒼筆力雄偉句如一水與人爭大地兩山作鎖  
鎖斜陽海內浮雲看倦眼山中叢桂識初心爲客歲時貧  
病裏寄人兒女死生餘臘雪幾曾尋水去唐花從未見春  
來

宣城高阮懷太史

詠著有遺山堂若巖堂等集

康熙十八年

翰林院檢討

國朝名家小傳云阮懷爲諸生數奇十五試不

售年近六旬以明經貢太學崑山徐相國奇其才延致家  
塾曠園襍志云阮懷入雲中見樓閣壯麗有導行者引至  
文昌宮驚而寤作飛龍引紀之後以薦舉授史官數年  
復夢前境心惡之引疾歸里每語人曰當以二十八日辭  
世而究不言其故次年二月卒果二十八日也阮懷詩長

於寫景句如雨餘千澗急雲合萬山沈白蘋風裏暮愁重  
紅藕香中秋夢多草衣過雨懸瓜架水鳥無人上釣舟皆  
明秀可謂

懷甯陳雪樓

治字大

大令

世銘

著有求志居集

道光

乙未進士

大令幼

負神童之目九歲賦雁字詩爲熊藕頤先生所激賞其詩  
風華綽約姿態橫生諸體俱工近體尤勝於古體螢火詩  
不欺容處暗自照卽爲明可謂語有寄託古艷曲云落月  
簾鉤影春風步履聲日高環珮細風暖剪刀柔皆情致獨  
絕次韻題包山聽雨圖二絕句亦瀟灑出塵詩云白練橫  
江樹影遮板橋風過葦蕭斜洞庭一片鈞天奏吹落煙波  
釣客家江湖舊夢久飄零憶別家山幾歲星爲報柴扉勤  
整理他年好向此中聽



閩縣劉炯甫孝廉 存仁 幼負雋才 道光已酉鄉榜 詩閒淡雋永如見

性真不假雕飾自然合格說者謂孝廉詩學香山以其淡

處似白也偶然作一詩風格名雋無規撫前人痕跡詩云

委懷見古人息機在安命滔滔末俗衰恥與衆流競春生

秋則歛四時以爲柄物理互乘除造化忌豐盛端居叢百

變堅忍動心性妍媸辨分明我靜亦如鏡其辛卯病愈寄

溫松雲醫士二詩能以長慶之性情運大蘇之風骨者詩

云莫向尊前喚奈何菊花時節且酣歌燕聲慷慨彈同調

楚些淒涼夢入魔 余病中夢作奠方邑侯彥聞文 一病始諳觀化樂此身

但覺感恩多還丹願得容成術鷗鳥忘機養太和馳逐名

場事若烟十年回首幾先鞭情空泡影真如寄悟後文章

半入禪下酒有書隨日讀坦懷無事抱雲眠起看秋色蓬

門冷雁影西風九月天

時病不克與秋試

二詩情韻纏綿令人一

讀一擊節

閩縣薩珠士大令

虎拜

著有珠光集大令詩才敏捷多對客

揮毫之作余喜其題鏡秋姪菜根圖一絕語有寄託詩云  
吾家小阮古風存不畫繁花畫菜根若使萬民無此色何  
妨直咬到兒孫却有風趣

嘉定王禮堂光祿

鳴盛

著有耕養齋集

乾隆十九年賜進士第二人光祿

博學工詩所撰尙書後案以鄭馬爲主又撰十七史商權  
一百卷主於校勘本文補正詭脫最詳於輿地職官典章  
制度又撰蛾術編一百卷其目有十說錄說字說地說制  
說人說物說集說刻說通說系光祿詩綜三唐旁涉宋人  
句如疎鐘烟外寺遠火渡頭船曉漲雲浮岸春山翠壓城

殘歲辭家隨斷雁大江積雪上孤舟三戶遺墟春草碧六朝舊事暮江平蘆中問渡真窮士漢上題襟少故人皆風雅可誦

嘉定錢竹汀詹事大昕著有潛研堂集乾隆十九年進士國朝漢

學師承記云戴編修震昌彝按戴東原係庶吉士見經韻譜江鄭堂漢學師承記嘗謂人曰當代學者吾以曉徵為

第二人蓋東原毅然以第一人自居然東原之學以肄經

為宗不讀漢以後書若先生學究天人博綜羣籍蔚然一

代儒宗也詹事田家禘詩及中河五古不讓唐人其名句

可採者如成敗論人易從容舍命難秋色江上來吳楚千

里碧著錄晁公武評詩敖器之安心真是藥省事便成仙

韓子文皆從道出溫公事可對人言著書已勝金樓子汲

古常携玉帶生從古文章無定論由來場屋困名流

粵嶽草堂詩話載番禺田西疇諸生上珍偶感詩寄託遙深

今錄於此屏跡雲山戶懶開芒鞋久不踏蒼苔無端却被  
松間鶴引向塵寰半日來諸生詩更有名句可誦者如青  
燈慈母夢黃葉故人心風警鴉移樹燈昏雁過樓落日明  
殘水重煙失遠山如能聞道何妨老若果工詩敢怨窮非  
性於詩者不能道

嘉應宋芷灣觀察詩已錄於前又有過井陘及書平原公傳  
後極爲沈雄跌蕩過井陘云疊隘重關古澗鳴長城一抹  
亂山青漢唐戰鬪今陳跡立馬秋風看井陘書平原公傳  
後云蕭同叔子事堪哀動地干戈爲笑來寄語美人歡喜  
口春秋戰國莫輕開又詩云昏之以世情失我獨也正一

日積一塵一塵生一病句如種樹五十本讀書花鳥間四面青山三面水兩湖明月一湖秋岳陽城郭中流見黃帝笙鐘上界聞笑口人情花翦響酒盃天氣雁聲涼

武進張皋文太史

惠言

著有茗柯文編

嘉慶四年進士

擘經室文集

云張皋文編修以經術爲古文於是求天地陰陽消息於易虞氏求古先聖王禮樂制度於禮鄭氏按太史平日論文嘗謂法有盡而意無窮此意足爲執死法以言文者進一解太史詩不多作句如馬馳千里足人看一城花亦婉麗可讀

德清許周生戎部

宗彥

著有鑑止水齋集

嘉慶四年進士

湖海詩傳

云周生顥悟非常讀書目數行下稍長博通墳典自經史詩詞而外如小學算術醫方梵夾靡不涉獵尤深於古文

本於宋之南豐明之邇巖理實而氣空學充而辭達嘗從其嚴尊方伯君徧徧滇黔東粵山水之勝故瀏覽之作亦多超越按兵部精於經學詩亦多入情語如有懷誰能已發言乃爲詩聲音本自然悟者自得之句如人間春短花偏怨心上秋多月亦憐風擁亂雲歸遠嶂虹收斷雨放斜陽水流花謝歸何有愛海空添一滴波人間名滿不稱意得失晚年心自知

歸安姚文僖公

文田

著有邃雅堂集

嘉

慶四年進士第一人

賜

文僖生

平持已端方居官清慎百數十年來學人盛談考據多尊漢儒詆宋儒公獨持議謂三代以上其道皆本堯舜得孔孟氏而明三代以下其道皆本孔孟得宋諸儒而傳五代以後人道不至陵夷者宋諸儒之力至其著述之書豈得

遂無一誤然文字小差漢唐先儒亦多有之未足以爲詬

病

詳見集中  
宋諸儒論

公詩筆清婉句如舊時燕子誰家屋前度桃

花載酒人非深於詩者不辦

粵嶽草堂詩話云牕宜話雨添疎竹屋爲看雲築短牆繡山

先生句也先生純孝宿學吟咏其餘事今按番禺張繡山

孝廉字虎臣名文炳

嘉慶六年鄉榜

著有玉燕堂詩鈔集中名篇

如讀李鄴侯傳菩提樹歌藥州懷古半跳峽北山寺諸篇

皆不朽之作句如放生但隨緣雞豚戒持殺從來離別事

多在夕陽天月光分曙色人語襍潮聲村深連樹暗帆濕

過江遲退步便爲進步法濃時須作淡時思五夜梨雲招

有蝶一簾梅雨喚無人

顯

千里雲山環獨客九秋風雨逼

重陽皆風雅可誦不獨牕宜話雨一聯膾炙人口也

閩縣家長川廣文

開環

著有西癡居士集

字曉樓乾隆庚寅鄉榜

廣文

詩如純鈎初出拂鐘無聲切玉如泥又如鐃吹平江秋空  
清響其趙子昂畫馬歌七言古一篇嶽寄磊落氣勢軒昂  
亦得言外諷刺之旨詩云龍媒萬里呼悲風龍沙九月天  
濛濛血駒自昔稱大宛渥洼之產非神驄趙家王孫元承  
旨畫馬能得馬神似披圖畫肉不畫骨毛鬣豐隆紙上起  
一十六轡金連錢指點英雄竟誰是王孫畫此胡爲哉不  
見臨安宮殿生蒿萊六龍西飛八駿死摧殘上駟三千駮  
又不聞青城城中狩二帝追風逐電無由回王孫下筆貌  
無已何不貌取陳橋夜半火光裏馬上黃袍作天子又曷  
不圖匹馬渡江孟后喜金山廟前走胡矢王孫快意甯有  
此六陵冬青魂魄飛靈禽啄栗枝上稀臨川貢士名家子



同騎駿馬長安畿，鵠鵲殿頭明月輝。  
驂騑仗丁宮袍，緋歸來雪樓。扇雙扉，  
兔毫落紙馳騁，駢排列監牧，盡意氣奕奕。  
天駟騰朝暉，江南草短逢寒食。  
王孫不歸，淚沾臆，試問何年馬角生。  
遺恨丹青人不識，王孫生世本龍種。  
龍種自與凡人殊，王孫奈何不保千金軀。

閩縣劉薇卿孝廉

萃奎

著有瓊臺吟史詩初編

道光甲午鄉榜

孝廉

詩清新典麗，可入長吉古錦囊中。采桑曲一詩宛轉關生情韻，雙絕詩云：江南三月天氣新，欲雨不雨鳩啼頻。早起持筐出門去，路旁還恐逢行人。行人豈識妾心苦，昨夜蠶饑食無數。旁屋先愁嫩葉稀，何時得盼新絲吐。新絲如髮葉如錢，葉葉絲絲相糾纏。生怕枝頭喚葉貴，却羞陌上看

絲牽東鄰呼小姑西鄰約阿妹  
腕弱枝長可奈何待儂歸  
喚郎代儂采桑郎采枝風枝露葉時  
相思郎采枝儂采葉  
綠葉青枝日交接願郎情比桑枝長  
願儂容比桑葉芳葉  
落莫嫌改顏色枝枯尤易摧肝腸  
句如涼生殘月上秋在  
敗荷先水光吹慘綠山色失遥青  
潮隨沙鳥落灘作水龍  
吟故園在天末秋思滿江南  
山近雲痕冷堂深月影虛  
帆影孤雲外鐘聲落照邊  
日痕雙塔上雲影數峯開  
秋心吹落葉霜信在疎鐘葉聲多似  
兩人影瘦於花晚潮當檻上  
燈火此橋多吟懷因酒健  
塵夢八山稀昨夜過殘雨隔籬  
開數花葉老低辭樹雲孤懶出山  
雙澗泉流纔過雨一溪  
峯轉有斜陽六代文章多設色  
一生富貴不驕人春在重  
衾曾繞夢秋來別館易爲聲  
花蘆絮語最憐垂老別萍蹤又

嘆幾時更

花楊

書不耐人看易倦字當無意寫偏工落花不

礙客閒步啼鳥似聽人讀書無累偏教行樂易過時深愧

讀書難偶成佳句人偏有爲寫離情意轉無細草疎鐘林

外寺夕陽歸艇水邊人情近友朋貧亦負謀闕衣食禮難

拘入畫江山秋後夢添愁風雨病中詩書生氣骨無求貴

近世交情節取多休教落魄和殘雨恰好傳神到夕陽村

煙忽破夕陽出野艇自橫秋水生易水昔曾歌壯士長安

今更重英才

黃金臺

江湖閱秣誰知己文字流連倍入情花

雖冷落香猶賸月爲清高影自孤法界秋深霜葉冷仙鑪

丹熟雨花飛

九日登斗姥閣

遠水有痕搖渭北春風如夢到江南

漁火半分青岸外人家微辨白雲隈人隨萍葉散還聚路

八荷花高復低十年搖落同餐菊一枕清華又感秋記來

舊事如春夢送盡殘年是雨聲殘夜月痕爭皎白昨宵天  
色失黃昏水氣易搖江樹暝雲容欲壓海天低何處海棠  
偏着色幾家鷓鴣祇聞聲有時煙雨吹難斷如畫亭臺認  
不真陰高臥最宜中酒客遠行偏殢看花人沈沈香夢迷  
三月黯黯愁痕隔一年陰何當別酒開今夕難遣春愁是  
少年閨胡騎從茲馳內地宮鷹不管失中原五代花月忍  
添名士淚江山還讓美人才小曲南來燈有謎大江東去  
鼓無聲淡雲過徑不成雨涼月下簾疑已秋色豈易衰偏  
薄命情如可種卽名花六朝金粉銷魂地十里煙波話別  
時十里桃花千點雨半林黃葉一聲鐘老去未成三徑雨  
開殘未冷一春心落買笑已成今歲夢憐香誰感再生恩  
落南內梧桐初落葉西風籬豆早開花秋魚龍慘澹愁長

夜禾黍迷離泣故宮

秋

露洗色逾常夜皎天高光帶幾分

寒

秋

橫江露影涵牛斗蒲棹風聲戰荻蘆

秋

和雨鎖將空

際樹隨風颺到水邊樓

秋

書家筆法存筋骨俠士雄心挾

羽毛

秋

獨抱怨音追變雅能歌秋思亦騷才

秋

裂石歌聲

寒月度倚樓人影夕陽銜

秋

家山冷落三千里雲雨蒼茫

十二峯

秋

三月鶯花隨水下一天螢火作星飛拚錢但欲

留春住選色如將置妾看與我同時難一面讀君遺集定

千秋幾痕鴉點日將晚一曲蟬聲秋更哀天爲此君開酒

國人於生日比花朝

竹醉

楊柳腰支愁二月桃花淚點怨

三年

楚

世界有花開淨土年華如水及芳時

荷花

生日皆婉而

多風殊無凡響

舊閱本事詩

徐鉉

見閩秀輯唐七律八首中有天若有情天

亦老月如無恨月長圓歎爲奇對後閱司馬溫公續詩話云李長吉歌天若有情天亦老人以爲奇絕無對曼卿對月如無恨月長圓人爲勑敵方知本事詩閨秀輯句本溫公詩話也

吳江計改亭

字甫

孝廉

東

著有中州集及改亭集孝廉負奇

氣嘗過鄴下盡囊金修謝茂榛墓沈歸愚有論詩絕句記之見別裁集及松陵詩徵國朝詩人徵略沈歸愚謂其詩不苟作時露胸中抱負孝廉嘗論詩曰學詩必從古體入若先學近體者骨必單薄氣必寒弱材必儉陋調必卑靡其後必不能成家縱成家亦灑削小家如許渾方干之類是也其論最中近日詞人隱病孝廉諸體俱工余尤喜其五七律氣體渾雄不可多得五律七夕云客中逢此日

身月才重 卷二二  
未有不思家況在邊城遠兼悲秋氣賒黃羊侑蘆酒白鳥  
就燈花爛漫求酣睡何心聽暮笳七律贈其年云越嶠吳  
江極望中十年湖海任飄蓬布帆遙掛青山雨橫笛哀傳  
野戍風河內琴樽佳客盡平陵松柏霸圖空只今牢落江  
村裏目斷南雲泣數公七月望後宣府偶成云又見天涯  
動客裝相從上客發漁陽嬀川城下河沙白鎖朔樓前木  
葉黃七月風聲驕蟋蟀九邊雲物暗牛羊不知飄泊何時  
了歲歲秋來憶故鄉馬上吟云捲地黃沙撲面來酸風眸  
子不曾開深閨若憶征人苦好向高堂數舉盃永夜閒聽  
蕭寺鐘繩牀輾轉意無窮五更牽馬出門去身在霜華月  
影中同李武曾遊金陵雨花臺木末亭云方景祠前煙樹  
平樞衣登謁淚縱橫傳聞三十年前語此地春風草不生

甯都魏勺庭諸生

補

著有魏叔子集聽松廬文鈔云冰叔先

生尤深於史舉數千年治亂興衰得失消長之故窮究而貫通之而又驗之人情參之物理本胸中所積而發之於文故其勢一往而不可禦其行文之妙蓋得力於史記老蘇者居多聽松廬詩話云魏叔子詩蒼古質樸然亦有風致絕佳者春日絕句云棕鞋藤杖笋皮冠落日春風生暮寒竹外桃花花外柳一池新水浸闌干按諸生詩更有名句可採者如九曲山藏寺萬株松到門一燈影落庭如水四壁蟲鳴夏欲霜兩岸蓼花紅有淚一江秋水澹無聲

蒙古法時帆侍讀

武善

著有存素堂稿楊甫未定藁云時帆

用漁洋三昧之說言詩主王孟韋柳又工爲五字一篇之中必有勝句一句之勝敵價萬言嘗刻其詠物詩一種予



偶弗之善遂止不行香石詩話云王鐵夫最賞法時帆祭  
酒淡花開不濃之句余則喜誦黃葉打門響青山生暮寒  
二語因論詩清如先生可謂清到骨矣句如自古情至語  
中必無色澤萬樹已秋色一蟬猶苦吟掃地留殘月推窗  
放懶雲鐘聲止羣籟酒力八新詩貧賤交心易文章造命  
難兩三竿竹自秋色千萬疊山皆雨容俱渾脫可誦

閩縣曾少坡太史

元海

著有不能詩齋遺草有晚唐人風致

其視學黔中諸作尤爲各集之冠余尤愛其武陵過楊文  
弱閣部故里二詩可稱詩史詩云庸才閑餽早堪憂養虎  
終貽伏莽羞知否楚官兵火苦有人灑酒借王頭監儒幾  
見樹奇勲君誤蒼生國誤君幕府未曾無頗牧可憐孤負  
萬參軍蘭詩絕句云垂簾靜對此花身意趣翛然欲出塵

淡寫丰神高寫韻天涯知有素心人亦語有寄託

紫山看火湖州多有之嘉興譚舟石

吉璚

和朱竹垞鴛鴦湖

櫂歌云棟子花疎過雨聲紫山看火樹頭鳴鄰船兩漿買  
桑葉南抵餘城北渚城朱西畛桑云紫山看火屋角呼  
按湧幢小品湖地每蠶時必有小鳥連叫曰紫山看火其  
聲清澈可聽蠶畢則止

沔陽周鐵臣太守

揆源

以正郎守吾閩

道光丙戌進士

深於詩余嘗於

倪粹卿明經

琪

簞上見其丙申八都過儀徵口號云建業

揚帆望海州金焦山勢聳雙眸到來仍比神山遠孤負山

靈又一秋此詩却有四靈風味

閩縣家穎水部

壽圖

負磊落才通籍後益肆力於詩

道光乙巳進士

余嘗見其挈眷八都留別諸友詩詞旨慷慨風骨而出於

性情詩云啼鳥落花春色闌  
棟風吹酒別筵寒江湖身世  
携家易菽水關河擗檝難  
白日欲西愁遠道浮雲直北望  
長安別君此去中原地一髮青山馬上看

元遺山中州集不獨所選之詩極善卽所立小傳筆力亦絕  
似龍門可備一朝文獻與朱竹垞明詩綜同爲天地間必  
不可無之書也

吾閩曹石倉先生學佳十二代詩選採擇極精惜板已燬壞  
而卷帙頗煩余欲鳩資翻刻而未成也有力者宜再襄盛  
舉

漫叟詩話云東坡最善用事既顯而易讀又切當若招持服  
人遊湖不赴云却憶呼盧袁彥道難邀罵坐灌將軍柳氏  
甥求書答云君家自有元和脚莫厭家雞更問人了然奇

特

老學菴筆記云東坡絕句云梨花澹白柳深青柳絮飛時花  
滿城惆悵東園一株雪人生看得幾清明紹興中予在福  
州見何晉之大著自言嘗從張文潛遊每見文潛此詩以  
以爲不可及余按杜牧之有句云砌下梨花一堆雪明年  
誰此凭闌干東坡固非竊牧之詩者然竟是前人已道之  
句何文潛愛之深也豈別有所謂乎聊記之以俟識者

閩縣何希修先生

青芝

著有耘芳亭吟草

嘉慶甲子鄉榜

先生生平

篤於朋友之誼見義勇爲能文章蘊抱經世之略而未見  
於用與外舅周蒼士先生爲摯友家文忠公稱先生與蒼  
士先生爲閩海二賢可爲至論先生詩不多作然出於性  
情亦不失其風雅其九日登高云好景看難盡新詩且自

吟句將山並峭雲與意俱深高接遠天巔清分流水音陶  
然籬下叟曾似此時心倏忽暮雲起四山峯影移鹿歸紅  
葉響鳥下夕陽遲傍竹過禪寺聽泉出古祠收將好風景  
譜入紀遊詩其出西郊見老丐詩訓世之語不失風人之  
旨詩云半生辛苦逐風塵老去播間策救貧閒看浮雲山  
作主醉眠荒塚鬼爲隣白楊暮雨吹簫慣寒食春風喂炙  
頻寄語當途休冷眼朱門多少折腰人

旌德呂鶴田鴻臚

賢基

熟精周官經傳其家學

嚴尊諱鵬飛  
著有周禮補

義辨論極精鴻  
臚常爲箋注

庚戌獲交鴻臚於京邸鴻臚直言敢諫正

色立朝今之李懷讓薛存度也詩不多作偶見一二題

畫詩亦復不俗云

道光乙未進士

摩經室詩錄五卷續集十一卷儀徵阮文達公元著詩錄分

古今體爲五卷共二百七十餘首皆從琅嬛詩略文選樓  
詩存中擇錄而出及續集十二卷皆公所手訂昌彝乙巳  
公車謁公於揚州時所贈本也公詩不拘一格不事摹擬  
抒其性情惟意所適嘗論詩曰惟期明其情與事而已毋  
客氣也故其詩無撫倣之痕而自然入古無雕鐫之跡而  
自然有味五言古五更過蘇隄列炬中見桃李正妍云清  
鐘動疏樾缺月猶在天山光餘夜碧湖水生春煙春烟約  
微風飛落蘇隄邊我騎青驄來暗柳拂絲鞭竹燈一路明  
照見桃花鮮譬如蓬島夜綽約棲羣仙燭龍啓潛蟄驚起  
仙人眠尋常春夢濃日影移花甌今宵破春曉醒在羣花  
先東方雲漸白六橋虹影圓不惜沾衣露溼紅殊可憐潮  
嚴灘至蘭谿云春江三百里一瀉衆山破流雲如秋潮始

識風力大連帆撲天去其勢頗無懦亂峰不知名絡繹復  
坎坳終日蓬窗中把卷向山坐反如立灘頭盡遣羣山過  
晚來有明月莫擁黃紬臥仲冬詣天竺復同友人過靈隱  
蔬飯冒雪登西湖第一樓云空山寂無人同雲闇然合微  
雲何荒寒僧境頗宜臘翩翩裘屐來開堂見老初爐火藝  
松明茶烟起禪榻煮筍出山去湖光更蕭颯櫓聲動烟水  
如與雁相答山樓對南屏萬樹擁一塔窗虛衆影歸懷中  
雅情洽古人重清遊良貴朋簪盍寄言儒家子禪悟不可  
禱鳳陽漲阻夜泊云洪流下商毫浩瀚失平楚野岸不知  
名危檣泊何所瑟瑟淮南秋瀟瀟夜深雨我亦感江湖鑑  
前意千縷那堪鴻雁聲嗷嗷又遵渚粵西平樂峽中云雨  
餘秋乍新灘江瀨鳴惡殘雲臥半山松際一何溼清猗弄

飛泉兩巖夾水立襲人山氣涼空翠入呼吸湘江村舍云  
湘山如翠騰湘水如碧玉巖下有居人林深不見屋落落  
百尺松陰陰萬竿竹竹密一徑空照見人皆綠況有流泉  
聲清冷比琴筑如此山居幽其人定無俗笑我坐蓬窗秋  
陽正相睺七言古題陳曼生種榆仙館圖云白雲飛斷天  
空青拍筒疊鏡窺窈冥上有神仙之福庭壽星躔次開畦  
町白榆落莢如堯蓂呼龍耕烟種不停仙人山館敞未扃  
十行高樹圍虛亭銀河珊珊聲可聽河邊大石排蒼屏石  
破漏雨驚秋霆瑶枝玉葉敲瓏玲仙人館中睡不醒一夢  
下墮一百齡精光在心耿耿靈有時如珠復如熒粉陰古  
社春風馨館中書卷甘石經夜半起看天南星門前歷歷  
疏如橘八月十五闌中作用坡公八月十五催試官詩韻



云八月十五夜月愛杭州好西子湖邊似蟾窟試官堂外  
如仙島少年科第不覺難爲歎白袍入易老八月十五潮  
其險天下無海水驟來高一丈長隄力護役萬夫濤聲入  
院夜春枕驚夢常繞雙浮屠鎮海六和二塔世間萬事難豫必三  
更無雲月始得我且向東看月背官燭遠寄羽書招海鷗  
時合三鎮兵船蔽紫牽朱潰於舟山之北二寇復逼入間可渡橋夜月云東峻坂石突  
兀橋西行人鐙出沒一樓窗外萬山深風弄溪聲洗春月  
竟春月山中多百夷安樂春氣和蠻花飛落山村坡兒女吹  
笙跳月歌可渡橋詩重見

文達公五七律詩格韻深穩和平感人無鈍漢鈔胥之習無  
詩家摹襲之痕宛合風人宗旨其曉雨後登吳山云足下  
峯齊列雲中日永生萬家殘夢歇五月曉寒輕草木宣山

氣江湖納雨聲若非登眺遠空自臥巖城台州夜坐云雨  
後得秋意草蟲聲漸多樓陰流素月山影接明河坐覺風  
初定遙知海不波此時間韓說何處夜橫戈漪圓晚眺云  
碧樹西風裏闌干閒更長萍開魚影亂松靜鶴巢涼遠水  
交平岸秋山耐久陽不知惆悵久歸棹入昏黃自乍浦彩  
旗門觀海至秦駐山云八月試新寒蒼茫海岸閒天風吹  
大水落日滿羣山潮汐防衝突艤艫計往還勞勞千里事  
行路反成閒古北口月夜云邊月照長城蒼涼萬古情西  
風入遙夜秋色更分明客路無多日鄉心何易生江南如  
有夢香露桂花清夜泊云新秋沅水上向晚泊輕航岸草  
萬蟲響山松纖月涼心依清夜永夢繞楚川長北斗天邊  
近迢迢思帝鄉上元登西臺望月云皓月照昆海元宵登

眺來雲山繞城郭燈火上樓臺年熟民皆樂春晴漏勿催

遙知深夜裏遊客踏歌回

滇俗上元前後三日看鏡月入滿街大府發令箭巡護三更令

箭始同城閉箭今年

年豐月朗遊人更多七言律雨後過瀛臺云淡虹殘雨壓

飛埃

清鑣霏微霽色開青鳥拂雲歸闌苑白魚吹浪過

蓬萊神仙此日應同駐東馬何人不暫回半嚮金鰲橋上

望水南猶自轉輕雷月夜過趙北口云燕南殘暑淡星河

爲避秋炎月夜過露草清香蟲語細水楊疏影馬蹏多三

更蟹舍明簾火十里虹橋壓鏡波豈有公孫能避世太行

西去隔滹沱曲阜城東云庫門東去意蒼茫泗水西流向

夕陽陵上白雲畱少皞地中黃土認空桑策書宇在郊麟

死鐘鼓聲銷海鳥藏過客未談三古事莫教先賦魯靈光

魯庫門以大庾氏庫得名他國無之

鄒縣謁孟廟晚宿孟博士第中云霸王

代謝百年開夫子風塵又轍環若使靈臺問晉國豈能秦  
石上鄒山遺書賴有邠鄜校古廟惟餘博士閒今夜斷機  
堂外住主人鎧火照松關同人過西湖晚泊湖心亭看月  
云湖心有客夜停船白露如烟月滿弦風裏雲霞無定色  
水中星斗落高天直愁銀漢浮身去惟見金波著地圓亭  
是月中仙樹影四圍虛湛玉輪全座中仙侶認瀛洲一片  
清光共舉頭極浦荷花騰夜氣出懷詞筆破涼秋人因地  
勝方能聚景是天開恐易收來有浮雲歸遇雨三更霽色  
爲君留溫州江中孤嶼謁文丞相祠云獨向江心挽倒流  
忠臣投死入東甌側身天地成孤泣滿目河山寄一舟朱  
鳥西臺人盡哭紅羊南海劫初收可憐此嶼無多土曾抵  
杭州與汴州上虞道中云曹蛾江外驛籤長百曲清溪繞

石梁夏氣出山雲莽莽晴烟歸壑水浪浪風前高樹吟蟬  
早橋外平田吹蛤涼卻羨老農耘稻畢一般閒意立斜陽  
出古北口云盧龍古塞曉霜飛千里陰山鐵作圍城窟水  
寒宜飲馬關門風緊乍添衣到來幾樹初黃葉此去無山  
不翠微爲語白檀沙上雁江南依舊稻梁肥秋柳云盧龍  
塞內古漁陽秋柳蕭蕭一萬行邊馬歸來猶口戀影曉烏  
曉後漸飛霜還思歷下西風裏又過琅琊大路旁況是淮  
南悲落葉隋隄千樹接雷塘姚江舟中除夕云丈亭古堠  
接餘姚除夕停舟待暮潮迴憶家庭非往日轉宜兒女避  
今宵鏡中霜薄鬢初白篷背春寒燭易銷屈指四年同此  
夜雷塘菴冷大梁遥乙丑丙寅除夕在雷塘丁卯在河南荆州懷古云紀南  
山外古荊州一片江城渺渺愁春夜梅花沙市月西風荷

葉渚宮秋蕭梁書盡名猶在巫峽雲來夢可留豈有才人  
不惆悵未應王粲獨登樓坡公謂嶺南涼天佳月卽中秋  
不以日月爲斷癸未中秋天涼月佳續其句成一律云涼  
天佳月卽中秋況到中秋宿雨收清露蒲城涼蒲樹海光  
當面月當樓得閒心氣如雲淡向老年華似水流風景安  
恬波浪靜使君原是泛虛舟癸未秋閱兵粵西道出灘江  
云灘江爽氣照秋開閒倚篷窗暮色催日影倒騰峯頂去  
晚涼平貼水邊來野漁舟小藏巖洞古堠烟清護石臺且  
向萬山深處宿夢隨殘月四更回暮登東臺云西臺遙對  
碧雞關更看東臺金馬山秋日有情此城郭夕陽無恨好  
峯巒未能酒飲須茶飲縱不朝閒可暮閒石上席狨清坐  
久朱霞照我得酡顏

作七夕詩專寫兒女離情斯爲下矣不知七夕之義正爲世  
之兒女發也儀徵阮文達公元七夕詩云碧霄雲淨露華  
清靈匹迎涼渡已成河絡漸從西角轉月已將近半弦明  
農桑本是人間事兒女猶關天上情茅屋夜深珠戶曉一  
般秋影看縱橫蔚州魏敏果公象樞寒松堂集七夕解云  
世傳七夕鵲橋事有信者有疑者有辨其非而囑其誕者  
以事論之余亦曰非也誕也按其言之所由來出於古人  
夫豈無故蓋古人之立言所以垂教也七夕鵲橋事或借  
以教天下後世之爲女子者也女子生長閨門旣不可不  
教以婦道又不可遽教以婦道故托物比興取牽牛織女  
二星夫婦之義存焉耳原其系曰天孫不可謂不貴矣正  
其名曰織女不可謂不巧矣乃下嫁於牽牛以至貴而匹

至賤以至巧而配至拙未嘗不兢兢然執婦道以相夫子也且躬親紡績終日不輟言其勤也支機僅一石而金玉寶釧舉非所尚言其儉也與郎君一年一會有琴瑟之好無衾枕之戀言其靜也勤儉且靜庶乎賢哉所更異者相隔僅盈盈一河水甯不可朝航而夕渡必言七夕何也將謂秋風薦爽萬寶告成蠶事已完農工漸畢問織則天孫應問耕則牽牛應此其時矣區區兒女情暇蚤計乎且牽牛之賢亦不在織女下閤別經年豈無月孛諸妖越度而滯惑者牽牛獨得性情之正不爲動也至於閤道諸星麗於天門者不知凡幾以上帝之命臨之何求不偶而獨牽牛耶意天之上下男耕女織皆屬本務若衣若食事正相當富貴炎炎必有不足取者矣不然牽牛之嫁果何取也



彼世之傳其事而教其女者每於七夕飾穿針乞巧其談  
銀河故事俾曉然知夫婦之義上應星辰其貴如此其巧  
如此其勤如此其儉如此其靜如此而相夫之賢得婿之  
正又如此卽言在疑信間亦當與家人之卦關雎之詩並  
存千古洵閨門一大懿範也又烏得而非之妄之哉故曰  
古人立言所以垂教也

順德張葯房太史

錦芳

著有逃虛閣詩集太史詩筆雅健雖

不能上擬魚山絕大之筆二樵絕奇之才嶺南羣雅謂其  
詩宗大蘇上溯韓杜而亦不愧一時之秀余謂太史七言  
古喜作長短句大蘇詩則無是也集中佳者尤在五古如  
觀音巖云絕壁蟠水府青冥插垠堦巨靈一掌慳千仞忽  
中盤石勢儼趁人虧蔽暝晝錯籠燭辨層梯偃仄試腰腳

幽造逾窅窳積鐵立如削穹窿覆層巔失勢駭一落微泉  
逗石罅清梵度虛閣鐘乳檐際垂秀若蓮發萼憑欄一揮  
手俯見千里壑晴雲洞門去伴我向寥廓巖棲焉可常風  
寒日光薄度庾嶺云悵離雨浹旬衿瀧達重嶺凌晨度嶺  
去重似別鄉井草木餘喧妍雲霧變淒冷兩岸穿一磴谷  
午見光景出關浩無依俯視攢衆頂緬懷開鑿日兩騎不  
容並至今羈旅人南北互馳騁長林本閒寂絕磔自幽屏  
應緣物不閒巖壑亦難靜颺颺孤松榦遠配行客影未用  
記往來勞生道途永筒車云篷窗暄午枕仿佛灘聲似湍  
流激轟轟石角聚齒齒巨防快一決樞軸空中起甯知水  
轉輪翻以輪役水聯聯銜尾鴉一一隨磨螳岸南急雨灑  
岸北長虹迤地形限灌溉人功相高庀長資不盡源注此

無停軌吾生慙俯仰方抱桔槔恥未敢薄機心沿洞望沙  
觜諸詩置之昌黎柳州集中幾無以辨矣

射鷹樓詩話卷二十三

侯官林目彝惠常輯

元遺山七言律詩氣格高壯結響沈雄足合少陵西崑爲

手集中多拘體余所不喜今專錄其尤純者若干首以覘

梗概其懷益之兄云

時在關卿

牢落關河雁一聲干戈滿眼若

爲情三年浪走空皮骨四海相望只弟兄黃耳定從秋後

到白頭新自夜來生西樓日日西州道欲賦窮愁竟不成

昆陽云古木荒煙集暮鴉高城落日隱悲笳并州倦客初

投迹楚澤寒梅又過花滿眼旌旗驚世路閉門風雪羨山

家忘憂只有清樽在暫爲紅塵拂鬢華潁亭云潁水風煙

天地廻潁亭孤賞亦悠哉春風碧水雙鷗靜落日青山萬

馬來勝概消沈幾今昔中年登覽足悲哀遠遊擬續騷人

賦所惜惓惓無酒杯山中寒夕云小雨班班浥曙煙平林  
簇簇點晴川清明寒食連三月潁水崧山又一年樂事漸  
隨花共減歸心長與雁相先平生最有登臨興百感中來  
只慨然岐陽三首云笑騎連營鳥不飛北風浩浩發陰機  
三秦形勝無今古千里傳聞果是非偃蹇鯨鯢人海涸分  
明蛇犬鐵山圍窮途老阮無人策空負岐陽淚滿衣百二  
關河草不橫十年戎馬暗秦京岐陽西望無來信隴水東  
流聞哭聲野蔓有情縈戰骨殘陽何意照孤城誰從細向  
蒼蒼問爭遣蚩尤作五兵眈眈九尾護秦關懦楚屏齊杞  
上看禹貢土田推陸海漢家封檄盡天山北風獵獵悲旌  
發渭水蕭蕭戰骨寒三十六峰長劍在倚天仙掌借空閒  
讀靖康僉言云浚郊沙海浩茫茫河廣纔堪一葦航顛沛

且當懲景德規模何必罪朱梁滄溟不掩蛟龍窟大地同  
歸雀鼠鄉三百年間幾降虜長星無用出光芒壬辰十二  
月車駕東狩後卽事云五雲官闕露盤秋銀漢無聲桂樹  
稠複道漸看連上苑戈船仍擬下揚州曲中青塚傳新怨  
夢裏華胥失舊游去去江南庾開府鳳凰樓畔莫迴頭秋  
夕云小簾涼多睡思清一窗風雨送秋聲頻年但覺貂裘  
敝萬古何曾馬角生寄食且依嚴尹幕附書誰住鄧州城  
澆愁欲問東家酒恨殺寒雞不肯鳴淮右云淮右城池幾  
處存宋州新事不堪論輔車漫欲通吳會哭騎誰當搏薊  
門細水浮花歸別澗斷雲含雨入孤村空餘韓偓傷時語  
留與纍臣一斷魂羊腸坂云浩蕩雲山直北看淩兢羸馬  
不勝鞍老來行路先愁遠貧裏辭家更覺難衣上風沙歎

憔悴夢中燈火憶團團憑誰爲報東州信今在羊腸百八

盤華不注山云

濟南作

元氣遺形老更頑孤峰直上玉孱顏

龍頭突出海波沸鼉足斷來天宇閒齊國伯圖殘照裏謫

仙詩興冷雲閒乾坤一劍無人識夜夜光芒北斗殷出都

云秣秣興亡一局碁登臨疑夢復疑非斷霞落日天無盡

老樹遺臺秋更悲滄海忽驚龍穴露廣寒猶想鳳笙歸從

教盡剗瓊華了留在西山儘淚垂

壽甯宮有瓊華島絕頂廣寒殿近爲黃冠輩所

撤龍興寺閣云全趙堂堂入望寬九層飛觀儘高寒空聞

赤幟疑軍壘真是金人泣露槃桑海幾經塵劫壞江山獨

恨酒腸乾詩家總道登臨好試就前臺老樹看追錄舊詩

云潦倒聊爲隴畝民一犁分得雨聲春功名何物堪人老

天地無心誰我貧願上雲煙隨處好洛陽桃李幾番新悠

悠世事休相問年麥今年晚得辛

用崔櫓韻

贈同年歸洛西

二首云千佛名經有幾人棲遲零落轉情深承平盛集今  
無復哀樂中年語最真衣上緇塵元自化鏡中白髮爲誰  
新水南水北相逢在剝醉醲醑十日春亡奈流光冉冉何  
逢君聊得慰蹉跎飛黃老去空奇骨拙燕歸來只舊窠舉  
世盡從愁裏過一尊獨愛醉時歌洛中定有人相問休道  
今年白髮多存歿云

辛老敬之  
劉兄景玄

行間楊趙提衡早老去辛

劉入夢頻案上酒杯聊自慰袖中詩卷欲誰親兩都秋色  
皆喬木一代名家不數人汲冢遺編要完補可能虛負百  
年身鬱鬱云鬱鬱羈懷不易開更堪寥落動淒涼華胥夢  
破青山在梁甫吟成白髮催秋意漸隨林影薄曉寒都逐  
雁聲來并州舊日風聲惡悵望鄉書早晚回秋日載酒光



武廟云美酒良朋邂逅同赤眉城北漢王宮百年星斗歸  
天上萬古旌旗在眼中草木暗隨秋氣老河山長爲昔人  
雄一杯徑醉風雲地莫放銀盤上海東

侯官陳退翁

洪浦

箸有唾餘集退翁詩學長慶自抒心中所

言不事設色其三月朔日五更寓園夜二首云

用白香情  
山體韻

悄復悄悄柴門橫木杪人深燈火微巷僻行人少事業東  
逝波踪跡南飛鳥輾轉不成眠漏盡天難曉脈脈復脈脈  
老作無家客才拙生計窮氣大乾坤窄此夜一長吁何時  
雙展翮不覺天窗明照我鬢眉白退翁精醫術箸有傷寒  
論章句更有痘說一篇爲有道之言其大旨云吾聞孝子  
必善保身保身必寡欲寡欲則自能生子生子必免痘厄  
試觀畜類一交卽孕人爲萬物之靈可以人而不加物必

多交而後孕子蓋始交不孕中留敗精再交而孕則敗精混於胎元而爲毒交而卽孕再交則淫精潰於胎元而爲毒子宮未淨交而有孕則敗血襍於胎元亦爲毒三者皆致痘之由也吾願世人爲後嗣計者必自寡欲始欲其子之免遭痘厄者亦惟寡欲爲良藥此上士治未病之謂是也

作落葉詩與落花詩不同東鄰吳蘭雪舍人落葉詩已錄另卷余友黃小石比部落葉詩賦物瀏脫離貌取神視吳蘭雪作無多讓也詩云早秋涼到越王城望遠能傷楚客情閃閃斜陽鴉背影蕭蕭流水馬蹄聲鶯花往事尋如夢絲竹中年感漸平逢著小園搖落候江南愁殺庾蘭成烏啼長記曉驂留一夕西風滿酒樓中婦流黃金縷曲美人攜

素玉關愁楓林落月思遙夜錦瑟華年怨暮秋陌上花開  
歸緩緩懷人同唱大刀頭

詩歌足以感激人心者無過忠孝節烈之事讀黃小石比部  
都門對月有懷詩令人油然興孝詩云慈烏巢庭樹啞啞  
啼夜闌中庭見明月明月何團圓流輝共千里遊子憐獨  
看清晨故人至出見具衣冠爲言二親健持示雙琅玕長  
跪開緘讀語語摧心肝不言親念苦但道兒心寬高堂未  
白髮喜汝邀微官非貪升斗祿潔我苜蓿盤芙蓉耐霜冷  
松柏凌歲寒所期報君國勿作兒時觀慈親示家事宛轉  
含辛酸兒勞親案牘努力加飯餐北方多風雪憂兒衣裳  
單語長讀未竟涕泗何由乾離家日已久耿耿懸寸丹嗟  
哉遠遊子悲歌行路難遠遊缺甘旨此職誰能殫蹉跎閱

歲序魂夢縈征鞍不如菽水樂貧賤無所干微禽知反哺  
出入脩羽翰農家力田子朝夕供瓢簞鴻雁正南向惻惻  
來雲端懸知倚閭望見月思長安家園隔閩海阻修道路  
漫願言侍左右采我陔下蘭庶幾潔白養藉以承笑歡明  
發不能寐愁焉起長歎北部通籍後十餘年不忍出山有  
膝下瞻依之樂也讀此詩覺小長蘆釣師邨舍詩不得專  
美於前矣

金陵吳伯鈞巖尹

國俊

著有伯鈞詩藁未嘗示人余從黃肖

農巖尹處錄其讀世說新語至高世遠與孫興公問答語  
慨然有感云松樹故楚楚終不爲梁棟楓柳雖合圍又苦  
無所用因悟世間人學識須珍重赤水騰珠光丹山翔鳴  
鳳寵辱何足驚榮枯原似夢但期質地佳無因時遇痛此

詩命意特高語有寄託其和友人招飲詩云遊來山水幾  
成癖交到寒酸始見真亦見胸次句如薄寒添酒興小雨  
動詩情離懷細慰千條柳鄉夢濃堆一枕山皆佳句也蘇  
尹應京兆試五薦未售其仲嗣師祁登道光甲辰鄉榜能  
繼其家學云

曲阜桂未谷進士札樸云泰山高十四里作四十者誤也余  
登絕頂覽其來脈之磊落護衛之宏濶可謂大矣而不可  
謂之高杜詩岱宗夫如何夫當爲大下文齊魯青未了又  
云一覽衆山小皆言其大也按桂氏所論似創而實確  
瑞安施廣恩星士燠精七政之學每爲人測休咎多奇中詩  
不多作偶有吟咏自能合格余嘗見其癸卯重九日遊甯  
德蓬萊飛峰云雲際峰巒鬱不開儼然天上小蓬萊當年

飛入孤雲裏多少清風送得來語有風致

青田端木鶴田內翰

國珞

箸有太鶴山人集內翰五言古詩

源出鮑謝七言律氣格雄健詠史論詩諸作尤爲傑出其  
宿許墅云山塘理征棹波寒日已入晚風吹蕭蕭遠火生  
熠熠蘆洲夜市明荻岸春衣濕下帆就宵枕獨自念鄉邑  
漸聞人語多稍稍鄰舟集雞聲落月遙客心流水急催租  
渡已喧沽酒路還澀陽山遠角青煙曉成竚立河間道中  
大風云夜起瀛州道涼月墮遙霧刁刁隕葉秋槭槭荒蘆  
曙蕩蕩飄塞鴻茫茫獵原兔蓬蓬風穴昏鬱鬱土囊怒塵  
軼蔽窮霄砂驚失交路銜思征馬悲戢影行人懼野色捲  
如蓬河聲流在樹壞雲忘西馳墜日驚東驚晨驅日喪精  
夕息面彫素故園富清曠良日豐暇豫和吹流美襟怡景

招閒步胡爲絕塵奔長與終風遇悵此心茫然碌碌惟冥  
數東山草堂云別有飛霞館清虛不可攀月行花假道雲  
至石當關玉洞眠青麕香池養白鵬披襟時一到松瀨響  
潺潺上戍口下溫州云村航聞角起

村人赴航船吹角爲號

野渡看

帆開山曉月遲落江春鷗亂來早載酒家榼遠攜溪岸梅  
煙清出孤嶼雙槳興悠哉六和塔僧院云上方惟鶴雀下  
界盡龍魚中有浮圖起長爲物外居天青秋樹半江白夜  
巖初客昨釣臺至石闌憑太虛石溪云細雨片帆低清灘  
響石溪花貪臨水放鶯喜出村啼沙市紅樓倚山橋綠樹  
齊春風人喚酒一瓊醉如泥萬象山謁秦淮海畫像並讀  
題碣云元祐詞臣鬢已絲海棠一樹拜荒祠文章有禍應  
關世琴酒無緣不及時殘月鶯花遷客夢空山風雨黨人

碑瓣香留得雲仍在翹首天南有所思

謂秦小峴先生官湖南

中山

亭論詩云詩家意象妙相忘萬物歸根靜裏藏有味銅餅  
泉澹泊無聲瑤席月蒼茫淤泥荷葉千人染冰雪梅花一  
世香姑射山頭斷煙火人間何處著餽糧紛紛龍虎撼珠  
盤大象元邱物外安九地上窺仙日月三山平視海波瀾  
心如脫兔收踪易目送飛鴻寫象難五百年來論作手伊  
誰端委古騷壇癸酉讀漢書作云崑崙天馬籟雲來西狩  
單于海上臺風雨蒼龍雙闕動鐃歌朱鷺五原回官門長  
樂驚飛壯池水昆明長劫灰白日長安三日索庫兵陳列  
九城開俚鬼跳梁殿上趨待薰社鼠與城狐上陵磨劍聲  
何急破壁牽衣事可虞定變侯章原將種衛空城朔總侏  
儒九關虎豹何闌入天起兵妖戒座隅太乙靈籙一指旗



破軍流血滿黃池夷城酸鼻驚神鬼祭野招魂哭虎熊繡  
虎相逢皆使者羽林歸去有孤兒煩冤日暮遺氓泣京觀  
何從別爾知赤制金刀總姓劉五銖白腹說黃牛甘泉烽  
火秋來近原廟衣冠月出遊兒戲將軍還坐甲訛言王母  
復行籌上林罷去尙方息逐盜人間一督郵靜夜聞漁歌  
云滄浪漁子古元真燈下聞歌霄上春漸近自然絲竹肉  
全忘相釋影形神江湖入夢追涼月天地同遊撫舊塵歸  
老易堂期不遠樵山無力結溪鄰句如雲氣流遠山水光  
抱高閣琴靜月初落塵疎風自生夕陽交馬足殘照散羣  
鴉花驚張載醜月照孟郊寒沙市燈臨水江船犬吠人文  
章安命拙貧賤識交難江山澄夜色天地動秋聲鶯聲小  
雨留秦屐鷗影微波記趙碑雙屐雨中深吠犬一燈煙外

冷窺人雞聲萬戶連江市馬色干槽擁驛樓少婦養蠶如  
養女老農憐犢似憐孫我心匪石花當戶有酒如淮月近  
船松滴響多篷背雨竹陰濃過屋頭山馬首梁山皆北向  
客心汶水自東流牽心歲月驚雙鬢滿目關山付一鞭儉  
歲妻孥能笑語貧家雞犬慣安眠大江落葉帆難數古郡  
斜陽塔易明揚州風月原如海楚客衣裳不勝秋松青鶴  
夢無今古月黑螢光有鬼神谷口藏村千樹碧溪頭延客  
一峰青柳條塞上聞羌笛楓葉江南禡楚砧詞賦江關悲  
庾信圖書門戶冀商瞿樹色千家浮郭靜蟬聲六月帶江  
秋階無樹影誰憐夜砌有泉聲便憶秋挂瓢自厭風前樹  
荷鋪誰忙酒外人長尋歸路無芳草老送征人是落暉不  
寐道人貪月色無絃流水和松聲鷗碓無人滿黃葉牛關

一路向青山沙地月明團雁戶湖天霜冷瘦魚簪詩人蓆  
帽輕飄路酒客蘆簾重壓扉伎樓有夢難尋曲僧寺無錢  
易看花睡起漁歌生枕上詩成湖月到樓心東南樂國魚  
千里今古才人貉一邱樓頭紅淚多倡婦馬上青衫有恨  
人萬種東風勞客夢一般芳草滯歸人

柳驛

政和宋梅侯孝廉人傑

著有知不足齋遺草二卷

成子鄉榜

孝廉

十一上公車不售古懷抗雲書眼若月粲花一樹馥錦千  
箱早上孝廉之船屢滯春官之榜其發爲詩多幽愁悽鬱  
之音古意云鐵石莫能碎珠玉不自賈寶之中懷藏露以  
肝膽語肝膽難具陳知言猶媚嫵中懷苟暗投傷以委塵  
土去去無他求行行慎所與珍重珠玉貴長爲鐵石伍讀  
其詩可以覩其志矣其題熊楊二公墨寶謹系二詩云昨

夜巫陽下帝闈大風雷電昭煩冤天若祚宋無此事人皆

欲殺公何言

即手簡中語

不見月星不見日一道神光出幽室

二百年來嘆長城千萬軍中誰奪筆夜氣清明朝九閭古

今不死今銜冤猛風惡雨晝久暗持此問天天無言若使

雲開出杲日公亦青衣掃一室東漢黨錮誤名賢誰是掀

天大手筆

書中首云猛風惡雨驟暗天又云一夜氣清明每

店仍只青衣

一想及不禁涕落又云出春明後一路騎馬落

小帽一尊黃忠端公與喬柘田先生手簡云黃忠端公

先生手簡六通共十四紙後有汪若文宋牧仲兩跋今藏

梁菴林巾丞家計二十四紙何道州跋之甚詳平仲出此

見示謹系以前韻易象至艮占厲闡天王明聖終無冤不見白

雲庫下字請看大滌山中言誠明格致講貫日只許同道

入堂室滄桑百感松風生四顧蒼茫敢放筆

此六書皆當

以前梁平仲舍人曾持公楷書孝經本贊見不則崇禎九年

忠端公孝經本贊書後再用前韻云

梁茵林中丞記孫退

神辛巳自謂獄過刑部利拜杖血肉淋漓乃據一敗兒日

書孝經凡百餘本每本繫之以跋無一語重複當時人得

一本修為奇寶云云此本其鼓吹休明開紫閣書鼓吹休

明也而以讚代跋尤可珍矣

字鳴鵠不鳴投杼冤一十九章自經緯凡千三百卅三

言如水趨海星炙日

用三才章

有神降庭鬼避室字字哀

鉞嚴春秋萬古獲麟嘆絕筆數詩深微彳穆得騷之幽非

時流所能步趨也其秋懷二首呈詩船師抒寫性情獨見

胸臆詩云風雨空齋病葉鳴蛩吟時復感秋聲中年拙計

餘疎髮長夜離憂寄短檠詩不窮人終有恨酒能酌我亦

多情前途破甑看何益無奈儒冠誤半生流年荏苒入秋

顏壯士驚心短日聞報國無才慙說劍還家有夢但看

山未酬一飯身誰許思覓雙魚路漸艱留得青燈黃卷在

祇應知己意相關

臨桂朱小岑布衣

依真

詩已錄別卷布衣精於倚聲其論詞

絕句二十二首以視元遺山論詩無多讓也詩云南國君  
臣豔綺羅夢回雞塞欲如何不緣鄰國風雲得壁月瓊枝  
未詎多天風海雨駭心神白室清空謁後塵誰見東坡真  
面目紛紛耳食說蘇辛柳綿吹水我傷春杜宇聲聲不忍  
聞十八女郎紅拍板解人應只有朝雲貧家好女自嬌妍  
彤管譏評豈漫然欲向詞家角優劣風流終勝柳屯田詞  
場誰爲斬荆榛雙手難扶大雅輪不獨俳諧纏令體鋪張  
我亦厭清真合是詩中杜少陵詞場牛耳讓先登暗香疎  
影精神在夜月清寒照馬塍

白石墓在馬塍

香泥壘燕廬申之淡

月疎簾綺語詞何似山陰高竹屋獨標新意寫烏絲質實

何須諂夢窗自來才士慣雌黃幾人真悟清空旨錯采填

金也不妨雕梁軟語足形容柳暝花香意態中項羽不知

兵法諄也應還箸賀黃公賀裳字黃公著鄒水軒詞筌謂史卿邦卿咏燕詞白石不取其

軟語商量而取其柳昏花暝半湖春色少人記夜月蘋州

漁笛吹深悔鈍根聞道晚廿年始讀草窗詞蓮子結成花

自落清虛從此悟宗門西湖山水生清響鼓吹堯章豈妄

言兒女癡情迴不侔風雲氣概屬辛劉遺山合有出藍譽

寂寞橫汾賦雁邱蛻巖樂府脫浮囂又見梅溪譜六么莫

笑凋零草窗後宋人風格未全消已是金元曲子遺風流

全失草堂詞端須忘盡崑崙手更向樓前拜段師論明燕代

語新詞舊所推中興能挽古風類如何拈出清空語強半

漁郎七寶臺詞至前明音響殆絕竹垞始復古陳髯懷抱

亦堪悲寫入青衫悵悵詞記得中州樂府體豈知肖子屬

吳兒樊榭仙音未易參追蹤姜史復誰堪一時甘下先生

拜合與詞家作指南侯鯖都不解療饑癖嗜瘡痂笑亦宜

一夜梨花驚夢破何如春草謝家詩吾鄉謝良琦醉白堂詞一卷首二句括其

自序語昨夜梨花驚夢破而今十載無能讀父書摩挲遺

芳草傷心碧其詞中佳句也譜每唏噓詞人競美遺山好蘊籍風流那不如先大夫有補間詞二

卷嶺西宗派頗紛拏誰倚新聲仿竹垞獨有春山冷居士

閉門窗下詠枇杷吾友冷春山昭有詞最工紅杏梢頭宋尙書

較量閨閣韻全輸無端葉打風窗響腸斷人間秀閣夫閨秀

唐氏吾友黃南溪元配也自號月中逋客早卒有詩詞集

若干卷其杏花天詞爲時所稱予最喜其試聽其飄渺聲

聲風際吹來打窗零膏賸粉可能多嘖嘖才名染月波叵

測斷腸天不管香銷簾影捲銀河梁月波官門女有才思早卒香燼香燼簾捲銀



河波影其如  
夢令中語也

小岑布衣十官十曲詩風神超逸傳遍歌喉其九芝堂稿海

內難於遍購今錄於此十官詩云館娃官裏豔歌停響屨

廊迴宿酒醒兩點顰娥吹不散吳山青入越山青吳漢芷

湘蘭思不窮曼姬樊女笑春風豈知歌舞章華宴盡在荒

唐雲雨中楚官砂擣就認依稀皓腕紅侵玉一圍華嶽峰

尖毛女在笑看銀雁隴頭飛秦窺浴屏遮費裊蹠溫柔鄉

老儘雙樓舊人零落樊通德燭影沈瀾擁髻啼漢官巾角彈

棋巧絕倫重幃複帳瑣鍼神艸中破賊猶遺恨洛上何人

賦感甄魏官新選吳娃溢後庭夜明苔映夜珠明華林園冷

官蟻噪司馬家兒費品評晉官臍香塗壁鬱溫磨市令居然

仗至尊賴有芳魂傳豔語王兒終不負東昏齊官蟾兔淒涼

桂影俄月官無地著山河庭花落盡黃奴醉鳥語分明帝

奈何

陳官

腰肢裊裊晚風酣迎輦花開妙手探甯伴無愁天

子死貴兒更比寶兒慙

隋官

判角媒人未足憑香雲一縷寵

偏增祇緣小試風流陣引得漁陽鼙鼓興

唐言

十曲云八琅

璈奏粲成行一曲雲和妙擅場鵝管更翻銀字譜瑤池連

日宴周王

嵇成曲

鳳翼參差月下吹無因夫婦鎮相隨簫

聲不作人間弄幻夢何來沈亞之

秦弄玉

若耶溪水碧無

塵弄水纖纖玉不龜七寶黃金裝得未論功合勝薛綰人

吳西施浣紗曲

紫臺人去隔燕然邏迤遶聲繞四絃莫悵恩光不

相及漢家日月本長懸

王昭君

曉珠不定掌中擎反貼鸞

環百媚生一捻留香裙上皺君王恩似妾身輕

趙飛燕

剪刀聲動曲房幽明月團圓袖裏收未必君情中道絕自憐

純扇不宜秋

班婕妤好裁扇曲

雙角井邊多麗容移來金谷關芳穠

宋禕老去無人繼誰倚新聲唱煥儂

梁綠珠教笛曲

紅綃紫穎散

春心桃葉山前事已沈璧月新詞書未竟都無去就怨韓

擒

張麗華臨書曲

錦纜牙檣入畫圖邢溝楊柳弱難扶都來五斛

青螺黛描得愁眉一寸無

吳絳仙龍舟曲

霓裳舞倦鞦韆鴉玉臂

支欹暈臉霞懊恨春風太輕薄故將清夢入梨花

楊玉環春睡曲

侯官許不棄大令

遇

箸有紫藤花菴詩鈔父友子鼎皆能詩

大令嘗受詩於新城王貽上貽上題其畫竹有許侯磊落

負奇氣平生節日堅蒼筤之句大令七絕情韻纏綿丰神

婉約爲其專長莘田學焉大令家山襍憶一百三十五首

余精選其四首以規梗概詩云軒廻澗曲水泠泠浮豳

山遠近青燈火未來蛩語寂高梧疎雨一人聽

卽陶鑒前軒名見山

淨翠岡圖半壑煙霞未寂寥轉坡側徑望中遙客來要探

梅花信小立東風第四橋淵明塚遂生前達孟德墳疑死

後空許子也曾題片石月溪之墓亂花中

余喜園中梅花之勝先立片碣

於淨翠岡前日月溪之墓花時以酒澆之螺女江空一派秋白沙如雪合江流

旗山更在沙痕外一葉漁舟幾點鷗

晉江丁雁水廉訪煒著有閒山集朱竹垞云雁水詩直者不

伉綺者不靡約言之而可思長言之而可歌可謂善學唐

人者矣漁洋詩話云閩詩派自林子羽高廷禮後三百年

間前惟鄭繼之後惟曹能始能自見本色耳丁雁水煒亦

林派之錚錚者其五言佳句頗多如青山秋後夢黃葉雨

中詩鶯啼殘夢後花發獨吟時花柳看憔悴江山待被除

皆可吟全閩詩錄云廉訪詩頗多其風骨足以繼響開寶

諸公其與吳園次話別七古一篇葉井叔稱爲詩人多情  
蓋謂其詩之慷慨也春事云春事真無賴偷閒懶最宜鶯  
啼殘夢後花發獨吟時若婉微風度琴牀曉日移悠然身  
世外匡坐自支頤王貽上云第四句尤妙通首全別送唐習之遊金陵云  
都亭春霽後送子復南遊篋裏仲宣賦樽前元禮舟啼鶯  
移苑樹乳燕入江樓故國今如許清吟且莫愁施尚白云頗近高岑  
晚出東便門返潞河云出郭消塵慮聯鑣信晚歸黃雲回  
獵騎白雁下漁磯水合河流細天寒野渡稀頓忘行役倦  
新月上人衣留別伊陽孫丹扶明府云冰霜先後共別意  
竟何云匹馬嘶殘日千峰走暮雲抱琴憐古調沽酒醉離  
羣從此伊川水潺湲夢裏聞王貽上云三四字尤奇舟泊天  
津云風沙津市暝晚泊倚城陰芳草繁歸夢孤舟繫客心

冷潮官渡漲漁火海門深屈指金臺近遲回思不禁

王熙上云

宛然大厓十才子

曉渡揚子江云孤帆涵日照曉色一江深漸入

海門白雲來爪步沈微茫輕世慮浩蕩見天心古寺中流

出如聞鐘磬音

葉井叔云全首高渾

遊虎邱寺和楊淡公韻云屢響

千人石生公舊講臺寺從山頂出雲帶水聲來夕磬煙中

鳥春泉雨後苔待將庭際月清影共徘徊舟過石人壩云

怪石迎舟出紆廻十里看嵐光團野濕樹影入江寒過雨

開斜照驚淙落急灘鷓鴣聲不斷客思亂春殘送洪學士

過湖口鱖魚嘴話別云殘春催遠客芳草滿平湖地限東

西楚帆分大小孤煙浮江蜃立沙暝水禽呼揮手增離恨

觀風舊姓吳雨霽望秦嶽云岱宗高峙鬱嶺岼此日東遊

矯首看三觀雲霞晴後色五松風雨夜來寒銘功異代遺

秦碣禪草何年奏漢官會駕蒼虬凌絕頂一杯滄海恣觀

瀾施尙白云風格似空同別琴臺云長嘯登高不厭頻孤琴離曲恨

方新村煙冉冉迷紅樹塞雁蕭蕭下白蘋六載名山成好

友一天暮雨剝歸人卧遊應有他年約未許宗生獨問津

王貽上云似劉隨州南康阻淺用許丁卯韻曲折灘迴擁淺沙舟牽

百丈水程賒啼殘苦竹鈎輶鳥落盡空山枳殼花返照城

邊來候騎斷雲谷口見人家南征自古多詞客莫悵倦飛

天一涯王貽上云宛然丁卯風調新淦舟行云城下空江向北流虔州

西上正悠悠柳邊過雨鷺窺網花外夕陽人倚樓漁笛數

聲愁欲劇篷牕孤枕夢偏幽一川煙景頻來往每對青山

憶舊遊王貽上云似李嘉祐望遠曲云別時花未發別後見花飛明

歲花開落行人歸不歸葉井叔云唐音

漳浦趙尊客上舍

潛

箸有冷鷗堂集上舍詩力追盛唐董蒼

水贈尊客詩有古劍半蝕土花紫鐵笛橫叫秋雲穿孟郊  
賈島今不死風流吐納千餘年之句吳星若謂上舍詩字  
字警拔句句蒼秀造中唐人妙境鄭昌英詩話謂上舍詩  
力追少陵神似非貌似董蒼水擬以孟賈吳星若目以中  
唐均未盡其妙也昌彝謂上舍七言律風骨雄深唐音未  
墜其同義士賜谷登一覽樓云古木招提路人來暑氣清  
不知殘夢裏猶帶亂篁聲壓海樓陰直銜秋樹影橫故交  
有支許微論愜幽情寄酬錢仲芳先生二首云數畝傍西  
郭深雲護小廬桑麻兼魏晉煙火半樵漁頭白仍耽酒江  
寒獨擁書向來叩皇甫親見帶經鉏大滌惟君在悲歌不  
自休

先生及門漳浦從遊大滌

中原哀二表九辨動千秋魚鳥存遐思



江山倚小樓懸知開徑日許我作羊求已西人日同天王  
雨酌云蹉跎千里日浩蕩五湖身陰壑猶藏臘寒城不受  
春煙殘何處雁雨醉未歸人一水柴門路重重屐齒新許  
九日以詩見訪次酬來韻二首云才獨寄欽氣混茫喜君  
同調卽同鄉荔支家國煙蕪在鼙鼓乾坤道路荒江上偶  
然逢月旦笛中容易勸山陽爲石齋先生何時欲發婁東櫂干  
樹梅花寄八行問訊梅先生柴門但有雀聲過半畝芙蓉傍一  
簑蹤跡關山天寶末詩篇松菊義熙多九日著述甚當每驚落日  
搖孤幌誰遣秋風助七歌日大凄瑟小騎花村知路熟江星  
歸照酒顏酡呈梅村先生云婁水龍門未易親休官無過  
隱之貧蒼梧往事餘雙淚白首名山只一人鷗鳥欲分高  
士席梅花能伴苦吟身按閒自是千秋計落日寒江理釣

縉

閩縣曾霽峰先生

暉春

著有自怡軒詩存四卷先生詩自抒

性情不事雕繪其登望湖亭七律爲王輞川之遺詩云危  
欄百尺俯清流彭蠡湖光一望收波氣鬱雲晴作雨風聲  
吹浪夏疑秋千山日暮來沙鳥極浦煙空去客舟如此畫  
圖描不得登高且自豁凝眸絕句如黃詩題後及艾城官  
舍皆真樸有味其黃詩題後云千古才名並大蘇西江宗  
派衍成圖可知瘦硬詩中味雙井清泉苦茗俱艾城官舍  
公餘課竹處手植梧竹松梅自題一絕云梅花高潔竹檀  
欒松子桐孫次第安莫道衙齋如傳舍清陰留與後人看  
先生生有異質一出母懷眉髮皆白弱冠與同胞兄禹門  
先生奮春齊名兼工制藝以甲科令江西有善政五子及

孫曹俱登科甲年八十二課諸孫輩每拈一題猶能日成數藝詩不多作嘗言南豐不能詩吾家法耳然先生諸體詩皆出自然無時下叫囂之習豈非如蘇明允詩傳誦萬

口作者不喜以詩見者耶

先生嘉慶戊午鄉榜辛酉進士合江西北海升義甯州知州歸田

後晉四品銜子五人元基乙未舉人安溪縣學訓導元炳

已丑進士安徽亳州知州元海壬午進士翰林院編修元炳

癸戌進士工部營繕司主事元澄辛卯舉人浙江大挑

知縣孫兆鰲甲辰進士刑部浙江司主事兆霖已酉舉人

兆鰲福州府學增生

兆楨福州府學增生

七古詩縱橫馳驟中貴有沈鬱之氣磊落軒昂中貴有頓挫

之筆方爲大家曾亦廬大令所著養拙齋未定草已錄別

卷其七古詩有絕似吳淵穎者其過清流關及謁岳墳二

作爲期門羽林之師非隴上行間之卒也過清流關云青

蒼萬嶂環滁皆清流山勢層雲排一關屹峙石駝仙北屏

簫江介羅全淮憶昔周師責淮甸南唐旰睡猶乘便正陽  
橋縱拔彥貞壽春圍尙窮仁贍趙家檢點真英豪孤軍徑  
扼關山高已分重垓困楚項何來學究如蕭曹韓王趙晉  
時爲村學  
究山間谿徑無人識一線蠶叢背水直木罌巧渡西澗流  
十五萬軍失顏色桓桓皇甫人中梟誰與佐者監軍姚士  
爲其主各有志此敗豈盡由軍驕是知天心相天水汗馬  
功勞顯於此異時起事憶沛豐一代君臣自滁始我行快  
觀淮南山懸絙直上萬仞關石磴盤空飛鳥絕斷鎗出土  
鏤花殷歐公昔日登高望戰場寂寂開青嶂至今山寺午  
鐘鳴想見南征破敵壯謁岳墳云參天宰木森南枝伏階  
醜檜無完屍石麟出土鏤像仆精忠萬古懸靈旗憶昔建  
炎南渡日偏安不乏諸將裨就中一軍山莫撼岳家將令

如風馳朱仙鎮上激忠義燕雲垂手歸操持黃龍痛飲酒  
未進金牌十二催班師太息夫差忘越恥燕山臂絹空寄  
貽二勝環懸腦背後一佳士忍朝廷欺自古忠奸不兩立  
風波北寺冤誰治出家無補韋后怒騎驢徑去韓王悲獄  
卒隗順瘞袍笏叢祠九曲無人知當時偽託賈氏塚墓門  
羅拜私涕洟獄卒隗順痛王冤死私瘞九曲叢祠側當時私號賈宜人墳 嗣皇悔禍錫  
車器忠魂招上栖霞嶺岳家長子祠墓側一門忠孝光華  
夷君不見東山衍口張侯墓劍門關右牛侯碑九原身後  
相左右湖山風雨來神祇又不見五國城空鬼餒而六陵  
風起冬青移萋宏碧血照今古又是湖隄草綠時

福州楊雪菜光祿

慶琛

箸有絳雪山房詩鈔二十卷光祿詩

如初日芙蓉晚風楊柳風格神韻迫近晚唐人集中口如

偶詠諸葛武侯一詩格律整秀語意包括其詩云氣吞曹  
魏智和吳管樂何曾足並驅丞相如龍蜀如虎江山成鼎  
石成圖蠻方有鼓臣躬瘁將壘無星漢業孤讀到出師前  
後表西風五丈可勝吁句如林滿外無路風來時有鐘天  
遠布帆小煙低巖戶扁榕影碧橫澗稻花黃過橋燈影穿  
簾碎書聲隔巷多暝色歸青嶂秋聲起翠濤古棧極天隨  
度鳥亂山如劍倚斜陽雲霞嶺嶠添詩料吳越江山入酒  
杯茶聲隔竹香先沸草色侵簾淡欲無青山有恨凝愁黛  
綠水無情咽逝波松翠當門山覺瘦秋聲如雨夜遲眠皆  
秀色可餐迥非俗調

博羅殷耕野諸生

師尹

詩多沈驚之語其甯武哀及阜城門

二作風骨棱棱卓然名作甯武哀弔周將軍遇吉云礮車

衡山山爲開千騎萬騎如奔雷斷頭將軍裹血出十八孩  
兒鋒倒推孤城一破將軍死流賊聞之淚流眦櫻城盡似  
周將軍我輩焉能飛至此阜城門弔明御史王公名章云  
阜城門門下蟻賊如雲屯緣堞而上矯若猊從騎駭走何  
紛紛鐵面御史起叱賊身甯負賊肯負國以刀斫膝膝仆  
地頭顱一碎血花墜後來又有抗節人八閩風雨還酸辛

公子之拭死  
節於閩甚烈

海鹽董曉滄庶常

潮

著有東亭詩草

乾隆二十八年進士兩浙輶軒錄

云東亭性至孝讀書慷慨負志節工詩文兼善六法嘗賦  
紅豆樹歌傳誦遍都下時稱爲紅豆詩人今讀集中唐花  
詞七古一首不愧作手句如己悲閱世同劉峻莫更逢人  
說項斯半春孤客忘寒食一夜東風又杏花斷雲將雁隨

煙沒野水如天帶月流由來恩怨終亡國未有英雄肯忌

才

廉蘭

郡控三關雄巨鹿峯連千里走飛狐

山中

儀徵施鐵如府丞

朝幹

著有正聲集

乾隆二十八年進士

詩樸質清真

生澀刻峭生平不與熱官往來句如春星兼鳥落山雨接

潮來中原秋色高嵩嶽孤劍寒雲落大河皆高壯可誦

番禺漆東樵孝廉

璘

著有思古堂詩草

嘉慶戊午鄉榜

其同里劉藻

林詩話云沈歸愚論詩貴含蓄袁簡齋頗不然其說余謂

和風之蘊藉流雲之駘宕迴波之沖澗其妙在含蓄不盡

驚飈湧湧駭浪瀆瀑震動心目其妙又在無含蓄而盡管

絃弄煜金石鏗鏘戛然忽止又妙於盡而不盡岡巒縈紆

澗谷幽邃豁然忽開又妙於不盡而盡詩人之言似之非

可以一端竟也東樵詩直據胸臆踔厲無前實妙於盡而



懷舊思古真摯沈著其筆則快其情自深亦復不名一格  
昌彝極喜其烏雛啼一篇合乎蓼莪之旨讀之令人興孝  
詩云吁嗟哀鳴之烏雛欲飛不飛啄大屋欲集不集趨城  
隅王孫挾彈城臺上手挽雕弓彈將放彈將放兮烏雛啼  
爲報王孫心悽悽我之初生殺毛羽哺我者父翼我母毛  
羽已成能高翔譙譙脩脩父母傷母之傷兮尚我畜父云  
亡兮不我復飛來飛去復週遭思深恩兮痛劬勞昊天罔  
極不得報春寒日暮空悲噪王孫聽兮馳雕弓淚盈盈兮  
哀其衷烏雛苦啼血在地老烏拮据憂目悸吁嗟乎烏雛  
欲集不集欲飛不飛如窮人無所歸建文帝一詩可稱詩  
史詩云不將大義破仁柔一領袈裟換冕旒憤死淮南雖  
薄漢誅稽管叔未安周幸看迎佛歸金闕已厭騎龍遍十

洲讓帝可憐鐘磬在拈花空有故宫愁

和平徐曉初農部

旭曾

著有梅花閣吟

嘉慶己未進士

農部詩風韻

蕭疎尤工五言短什宿山家云石泉激清響泠泠聞玉琴  
獨宿荒山中松月照我衾起視夜何其天高星斗沈歲華  
去飄忽似馬驅駿駿懷人在空谷何以寫遠心山鳥亦驚  
起如助幽人吟悄然誰與語萬籟同蕭森句如虹懸秋磴  
斷雲閃亂山多野水浮孤棹春潭浴亂星懸崖雲過馬斷  
澗雪扶橋流泉爭赴壑野碓驟聞雷天遠雲歸疾沙寒馬  
去遲皆清警可誦

南海謝澧浦太史

蘭生

著有常惺惺齋詩集太史少負文名

兼工書法既入詞館假歸流連山水揮豪灑翰風致清豪  
冷泉亭七律超然拔俗詩云天外孤峯飛著地空中諸寶

不曾關漱將靈液爲鳴玉流到紅塵未出山倚檻堅陪諸  
佛坐斷雲時帶一僧還元津幽樾何須問入德真源在此  
間

繇州李雨村觀察

調元

著有童山詩集觀察襟懷瀟灑跌宕

不羈家藏書萬卷嘗輯函海一書頗稱繁富然其書博收  
繁襍校對亦多不精叢書中似非善本觀察愛才若渴其  
雨村詩話搜羅頗多未免有濫收之弊其集中句如帆迴  
山背風無力艣翦江心月有聲可爲佳句

木落屋依平地出霜空人坐一天寬此順德梁弼亭解元

泉

句也寫景能見其真

得句從來勝得官此秀水汪康古銓部

孟銷

句也入情之語

卓然可傳

乾隆三十一年進士

昌樂閣伊蒿水部

循觀

著有西澗草堂集其寫山居情景能

得其似如茅茨意自足小隱情何深童稚知禮數雞犬舍

淳心可與唐人儲太祝相伯仲又句濕煙斷樵徑滃雲出

林屋則又王摩詰之替人矣

高閣夕陽殘醉後板橋流水獨吟時此海鹽朱笠亭大令

炎

句也

乾隆三十一年進上

晚唐人有此神韻婉秀否

半簾疎雨客何處蒲地落花春欲歸此全椒金棕亭學正

兆

燕

句也風雅可誦著有棕亭詩鈔集中遊黃山諸作多奇

崛生平不耐靜坐愛跳躍多言笑時人目爲喜鵲

乾隆三十一年

士進

順德張玉洲孝廉

錦麟

著有少游草

乾隆三十一年鄉務

孝廉詩以野

岸無人潮欲上碧天如水雁初飛及三面青山四圍水藕

花香處笛船多之句得名故人呼爲張碧天又呼爲張藕花見國朝詩人微略孝廉幼與兄錦芳齊名北平翁潭溪先生目爲雙丁兩到孝廉有七夕絕句爲詩壇傳誦詩云雨餘閒聽葉辭條久客羈心不自慘獨倚檐前望牛斗秋風秋月可憐宵讀之覺神韻悽惋

詩有極平澹而寫景入畫者余友黃肖農齋尹小雨過常思嶺云常思嶺上雲下作溟濛雨邀雲度前山溼氣潤衣履雲飛我亦行我去雲無語默默兩相關出岫情何許如讀王輞川孟山人集

侯官林霨雲茂才補臻詩多散失有遺草一卷嘗記其和月隣妹詠影原韻云與君蹤跡最相親一笑方知是化身難得生平無別恨燈前月下總隨人語亦親真

秋雨夢松舫詩藁華亭陳雲門襲子

述祖

箸

由世襲子爵官福建建甯鎮總

官襲子先世以平吳逆得爵襲子本將門子風度溫厚喜

讀書曉韜略工書善畫有輕裘緩帶之風焉詩筆雄偉壯

麗余友俞夢池先生出其藁見示爰錄數作於此留別王

井叔陳裴之云嶽色高樓墜開樽召酒兵人來皆舊雨詩

好半秋聲歲暮愁爲客中年愛近名千篇竟何益兀兀感

吾生修竹綠過屋尋君此小樓豈知今日酒重爲故人留

風雨連宵夢關河獨客舟吳趨吟不得落日黯離愁雞籠

寺遠眺云古寺雞籠偶過臨憑高曠覽一開襟石城浪捲

六朝迹白下峰連三楚陰斷塔風翻鈴語細萬家晴散爨

煙深龍蟠虎踞當年事芳草述離舊夢沈曉江視師云郭

繞長江幕府開陳師講武一麾來千屯日麗排雲陣萬騎

風馳上將臺射罷軍中爭獻雉詩成帳底快擎杯清時較  
練還休養地險終須控制才夜過吳江云重來煙水幾鷗  
盟東塔灣邊雨欲晴楚國霸圖雙鳥去雲間殘照一舟橫  
暮潮只覺此時急野火不知何處生指點斜塘蘆荻外當  
年跋浪有奔鯨吳門舟中云孤城隱隱隔漁燈篷背涼生  
露氣凝斜月半船人擁被寒潮流夢下松陵嗣君紫簪齋  
尹汝牧箸有蕤香詩草齋尹詩超詣豪宕擺脫近世尋常  
語其題外舅易堂先生啖蕉圖有生死若相忘性命與之  
友之句直得詩家三昧江行夜泊云黃蘆兩岸高如人一  
燈紅出蘆花根雲際四圍天潑墨卧聽水聲風聲喧水聲  
風聲聽不清船頭兩腳跳波鳴手攜鋏笛不敢弄夜深妨  
有魚龍驚邨荒無雞垓無柝坐久不知宵幾更微聞老漁

逆浪響夢回枕上濤頭生建陽驛云無數煙雲送我行籃  
輿坐擁一身輕野花著雨紅當路芳草隨人綠到城作客  
常懷情似醉在山泉水本來清拊牀忽記劉琨語莫道荒  
雞是惡聲舟次毘陵云艤舟亭下草萋萋一翦垂楊綠未  
齊我與閒鷗如有約相逢只在板橋西竟日扁舟畫裏過  
流觴人去奈愁何一隄春草綠初上已有牧兒牛背歌

膠州柯心蘭孺人爲陳紫簣齋尹室易堂大令女也詩筆冲  
容明秀灑然出塵其重九前一日云刀尺深宵事漸忙催  
人霜信又重陽烹茶晚試銅瓶雨枕菊寒生紙帳香鉤起  
簾櫳因放燕吟來詩句頻啼蜚故園明日登高會可惜今  
無縮地方惜花謠云惜花心切駐花難又欲花開又恐殘  
時向東皇爲花祝三分晴暖一分寒清明日題柳云折枝



常是繫離愁忽向風前笑不休莫道柔條惟縮別今朝也  
上美人頭花生日云相邀乘興祝芳辰穠李天桃色倍新  
今日一杯花裏設百花爲主我爲賓

蒙化彭竹林司馬翥著有海天吟

乾隆三十五年鄉榜詩多繪景入神

之句如溪山木目前煙雲使之遠天垂無際水月戀欲歸

舟江楓冷雨啼山鬼浦月芳蘭夢水仙皆是也司馬居官

有政績羣雅集載司馬南池捕盜事甚悉周導之比之終

軍虞謝一流乾隆五十三年福敬齋公相總督兩廣調水

師出海捕盜時君爲香山令乞公召精兵二百往捕許之

君捐俸支帑造戰船簡鎗炮火藥資糗糧徑出海揚帆行

百餘里遇盜船發砲擊之賊驚遁數日賊船八九隻來官

兵復發砲砲閉君知賊以穢物厭勝也殺黑犬取血釐祀

砲果發適大軍繼至擊破賊船賊落水號呼乞命君命以鐵鈎拉起之縛七百餘人

錢塘朱青湖諸生彭箸有抱山堂集青湖承其鄉詩人金江聲厲樊榭杭董浦汪槐塘諸公後一變明季浙人瓣香鍾譚之習王蘭泉先生謂其詩古體矩矱從容今體聲情高遠非溢語也集中名句如江流經割據山色閱興亡歸鳥有寒色晚山無定容霜摧羣木瘦秋放一峰高雲淨江天遙辨塔潮迴沙渚忽無田春當三月原如客人過中年欲近僧病餘人比寒山瘦秋晚詩如落葉多人當晚歲多鬱菊天爲重陽特放晴皆不愧騷壇風雅

桐鄉陸費玉泉中丞璵詩筆雄深五古及五律尤爲雅健其大沽觀日出一詩不愧盛唐之遺其詩云孤城倚海上天

水相混融迴瀾蕩百里磅礴生長風直下大沽口仰見臺  
宇崇峩峩竦千尺杳與雲氣通登臺一俯瞰萬古常鴻濛  
俄聞天雞鳴皎日升曛曉幽陰倏開闢下燭元冥宮百靈  
互跣踣萬象爭激衝驚波忽震盪鱗甲騰蛟龍精采遠相  
射島樹何玲瓏逼視不能仰光燄奪雙瞳須臾上遼廓樹  
色收溟濛一覽曠九州足滌平生胸南崖望閩嶠估舶來  
遙空三山渺何處樓觀不可逢吾將騎赤鯉遠躡琴高蹤  
秋影云寂寥人境遠但覺暮煙沈斜漢移雲緩孤城帶月  
深溪山涼蔌蔌亭榭碧陰陰待訪羅含宅蒿萊何處尋中  
丞由牧令而至封圻公餘之暇不廢吟詠近有真息齋詩  
稿尤爲士大夫傳誦惜未得窺全豹爲恨云

榜名恩洪  
又號春帆

南隄吳白華都諫

省欽

著有白華詩鈔王蘭泉謂白華散體

文於唐似孫樵劉蛻於宋似穆修柳開亦戛然自異張南  
山謂白華集陝蜀道中諸作頗有深思厚力今按集中佳  
篇如五子峽慰忠祠彌牟鎮觀八陣圖平羌渡望鐵索橋  
等篇卓然鉅製句如祠廟籠秦樹人家抱嶽蓮水依天到  
岸人與月同船詠馬嵬云豈有牽牛聽夜語竟無飛燕圖  
春妝皆新警可誦

乾隆二十八年進士

香山劉禹甸學正

鶴鳴

著有松崖詩鈔

乾隆庚午鄉榜

詩多沈鬱之

氣望衡嶽云掛席溯湘川滌洞似衣帶百里見青蒼陰岩  
屯霽靄晚靄蹴重雲千盤插天外風雷走山腰昏旦殊變  
態霞島仙靈出炎天冰雪在五嶺焉外藩嶽麓等邾鄫朱  
鳥配南方巍峩侶嵩岱曩讀岫嶂碑慨想禹功大何當凌  
絕頂一月盡楚塞振衣望日臺濯足洞庭匯刈麥行云黃

鶯語日初旭腰我鑣果我腹百頃黃雲蔽川陸千夫一掃  
野煙空餅餌香生滿茅屋炊煙生里正來新舊租一時催  
少壯倉皇老弱哀遊中武當云繫纜綠崖入禪官瞰碧流  
水光搖佛足山果落人頭津市千帆上蘭江一望收杉松  
陰四合風過送漁謳湘南懷古云祝融山色照湘濱九轉  
孤帆溯去津地與芬芳憐帝子天留窟宅住騷人風高野  
鵬啼荒戍日暮江漁散綠蘋更讀少陵詩百遍千秋流寓  
總傷神送春云細雨層陰日日眠離懷忽感夕陽邊三春  
花事拋流水千里家書動隔年久客已迷芳草路長貧空  
羨綠榆錢天涯浪迹人將老一度分攜一惘然曉渡云落  
月浮波半映川漫搖殘夢到蘆邊忽開叱叱煙中語已有  
人耕嶺上田諸詩入開寶諸公之室

嘉應葉貽孫刺史

鈞

箸有石亭詩文集

乾隆甲寅省元

石亭留心經

學詩筆雅健生平詩囊之外蕭然長物余讀其集極喜其  
筠門嶺一詩可稱奇警詩云越門盤萬嶺一徑此中分虎  
跡留殘雪猿聲出亂雲人煙初上市行旅漸成羣出險欣  
相賀遙山日已曛

嘉應李秋田諸生詩已錄別卷更有名篇不忍割愛秋田詩  
真意沈鬱雅健峻嶒卓然獨樹一幟謝澧浦謂其詩佳處  
沁人骨髓故隨所見聞橫豎說來無不入妙合見亭云高  
崖壓空際一亭獨支撐下視萬林木時爲搖蕩聲其旁石  
礪角勢欲摧欄楹我來甫延伫已使遊魂驚魂驚倏以甯  
亭靜覺不勤萬木團綠雲冷光射虹棟風來鳥語輕露滴  
松花重仙人恍見招雲裏騎青鳳靜夜吟云蕭蕭瑟瑟打

牕戶是落葉耶是夜雨開門微月隱花圃樹影如人向風  
語壁燈半含還半吐玉漏沈沈報三鼓題畫水仙云自憐  
生小卽離塵肯向東風桃李春獨有心香凝一點酒闌燈  
盡付詩人

文章不如仲氏好叔氏最少今亦老五郎十歲未知學嗟我  
何爲長遠道諸兒讀書俱不多又不力耕知奈何此等筆  
力元一代惟道園能之大家本色本領在此吳淵穎研鍊  
老重而能密不能疏能華不能樸以此遜道園矣

明詩不可以輕心抑之也明開基詩吾深畏一人焉曰劉誠  
意明遺民詩吾深畏一人焉曰顧亭林誠意之詩蒼深亭  
林之詩堅實皆非以詩爲詩者而其詩境直大華黃河之  
高闊也首尾兩家誰與抗手

四農詩話

男慶煒割

射鷹樓詩話卷二十四

侯官林昌彝惠常輯

附朱伯韓侍御琦劄記饒歌四十九章

上聞天下雖安忘戰必危進不忘規臣子之義伏思  
我朝開國以來八稔分屯兵力最强太祖受  
命奄有蒙古諸部太宗世祖繼之招徠屬國東  
自朝鮮訖西北海莫不懷服遂定中原爲民除殘  
聖祖重光功德巍巍三藩以次削平訖於

高宗蕩夷回疆拓地二萬餘里仁宗受其成天

下艾安列聖偉烈神算俱在實錄臣琦竊不自

揆稽首謹述其略被之聲詩以爲後世用兵者鑒命  
曰新饒歌時在道光二十有三年癸卯秋九月



戰圖倫

戰圖倫圖倫汝安逃大旗晝卷秋雲高南關北關相繼破完  
顏羅拜收五豪五豪部隸建州美珠紫貂炙肥牛九國不逞  
方協謀列陣三萬橫長矛太祖曰咨汝參佐授計榻前但  
酣卧九國之衆心不一挫其前鋒果大捷或謂我軍分八校  
行國射獵無紀律胡爲威棱燁海表臣請稽首究其說我邦  
肇造遼金未留都土厚民質實兵不在衆用以奇萬人一心  
力則齊請看太祖龍興時

戰嘉鄂

大冰如橋橫斷砭匹馬化龍飛渡江江水深不可測兄弟五  
人敵八百前棟鄂後嘉鄂

戰烏拉

烏拉水松之濱爾扈倫諸部頻首悉來臣秋高馬肥百千羣  
烏拉恃強敢不賓烏拉主爾何爲口來置質且請昏我國賜  
爾以勅書如天恢且仁狡爾烏拉乃敢擾我邊乃敢寒其盟  
太祖曰嘻我將親征召我諸名王督我子弟兵噉鋒罕山  
踣五城自搴大纛斫其營諸王貝勒奮呼格鬪抉草拔芮一  
一皆驍騰烏拉旣伏誅葉赫以次平我太祖百戰艱且勤  
命將尤慎擇其人用能所至成大勲敢書此語告子孫

### 戰界藩

界藩築城多勁兵鐵騎二萬東西行告天七大憾率師往攻  
明惟時明經略楊鎬集兵瀋陽分路深入銳不可當一爲杜  
松出中路斷冰灤灤渾河渡一爲馬林會葉赫一由清河入  
鴉鵪別軍劉綎出其南會朝鮮兵萬有三崋尤東指陰芒寒

我軍各路屯寨方戒嚴使邏者密覘松出撫順日馳百餘里  
渡河馬多死車營三百阻於水南北兩道多亂山輕兵乃敢  
圍界藩 太祖命貝勒以二旗往援親統六旗擣其堅戰方  
合大霧晦明兵列炬戰且退萬矢雨集射其背可憐渾河多  
橫尸總軍深入猶不知乃令降卒往紿之縱行二十里礮聲  
大起我軍冒漢幟入其營大呼縱奮巨刀格戰捐其軀是役  
僅五日破明廿四萬我朝東興始此戰諒哉廟謨在能斷

虎爾哈

虎爾哈今來朝近砦五百紛相招收其羽翼以自豪健兒入  
侍帶寶刀治以威德宅我郊田廬器賄何衍饒肘腋內清絕  
鳴鼓以夷攻夷遼歸遼上兵伐謀離其交我能致人師不勞

平哈達

我師逾混同敵人、有矢不敢攻我師平哈達敵人、有矢下敢發問胡不敢發使鹿使犬歸我家龍虎將軍多瓜牙

戍吉林

設駐防分遠近納巖巖斥堠吉林畫疆畛自古防邊須邊氓愛護鄉里人之情山川險阨度地形兵能識將將習兵何事紛紛遠調徵

朝打牲

朝打牲夕游牧養兵不費國乃足上馬而侯王下馬而僕隸主臣脫略無拘忌約法不繁民易知對簿愈多事不治進戰者賞退後者誅何疑爲

費英東

費英東儒將何雍容額亦都殺敵心膽麤順科洛沈勇多智

略三子信神駿直義尤桀卓飲至歡然篤勲舊銀黃兔鶻看  
幅輳問誰虎視立殿前老臣諤諤建正言我尤愛公能好賢  
右 太祖樂歌九章

藩之陽

藩之陽惟滿之疆藩之北惟滿之宅始時滿人但務遊牧今  
宅其郊築城峙穀始時滿人尙未備官今設六部績靡弗宣  
始時滿人騎射是藝今創國書秉聖之制始時滿人未有學  
官今日莘莘姬孔是崇 皇曰懷哉凡此大政烈祖之謀惟  
新滿州是輯是鳩惟舊滿州其聽無譁爾父爾兄毗予有家  
就荒其邇而威於遐

林丹汗

林丹汗爾書極誕謾爾國有衆四十萬我國之衆不及爾之

半爾恃其強諸部皆叛叛者多莫敢何駝馬彌山翻倒戈與  
安亂石青莪莪

陰山塞

陰山塞花馬池池上煮鹽多健兒西北面皆距河柳可爲  
笥地宜駝麥稌有鐵可鑄戈年年巴噶來議和

溫多嶺

青海叢叢溫多嶺樹綠如海秋無影中有三雁繞樹飛一雁  
向人鳴尤悲將軍仰天馳射雁白草漫天雁不見雁不見從  
天落背負一矢入敵幕我軍從之大噪呼山中草木紛駭呼  
怪魅攫人據朽株君不見聖人有道百靈扶雪山獅子雄牙  
須又不見葉雷注矢心膽粗奪弓復有千年狐

降額哲

射鷹樓詩話

卷二十四

四

額哲旣破莫我遏兮王師所至如火烈兮夫惟神武不嗜殺  
兮紅旗日日來奏捷兮橫海大草滌戰血兮從從六盟多降  
卒兮地廣民衆乃終滅兮 聖人修德天下悅兮

大小白

一馬名大白紫纏玉繚黃金勒一馬名小白負重疾行日五  
百吾聞二馬自天來卓錫骨相多權奇髯奴奚官不敢輕意  
在萬里誰知之天弧天角亦神物誰假長楸縱馳突百賢一  
豆要堅忍在垆安閑有風骨我 皇神武定海東戰場騰蹕  
看真龍論勲何當畫麟閣鐵蹄一蹴遼河空遼河風寒黯無  
色馬兮馬兮誰與敵於今豈無苑門三萬匹安得拳毛神駟  
爲時出

遼以西

遼以西漢制之遼以東我制之兩國修好視此冊書詞能議  
勦始議撫不戰而媾難與久處前年受款袁經略陽爲甘言  
陰敗約今年投書沈督軍烏牛白馬徒紛紛乃知和好不可  
信不如及時講軍政

扼石門

扼石門攻吳襄烈烈萬葦燒大荒我馬西來聲騰驤長山反  
風火助狂火助狂多神奇頗疑天助人不知臣敢再拜獻一  
詞  
文皇馭軍嚴且慈法行自近不敢私錦州偶緩攻  
親如□睿王且召歸永平少失利貴如阿敏付獄吏乃知天  
命在人事古來剗守理無異明政何以失事權不專令不一  
我國何以勝功罪不乖 天子聖

沮之水



涇之水沄沄其州曰營嗟爾小邦其敢不庭明之覆爾爾戴  
若父我之隣爾爾乃以爲兄爾父告饑具鋪與粢爾兄請糴  
曾莫恤其私爾豈違我爾則畏明爾無昵爾父而陵爾兄不  
戰而歛爾將渝盟朕今諭爾其無憚於行我不爾讎爾自召  
兵

### 長白山

長白山雲氣白且長上有聖女驂鸞翔丹霞夾月佩明璫天  
賜朱果發其祥逮我四祖國寢強 太祖 太宗日重光攀  
龍翼運篤天潢頗聞教練嚴有方僕奴跪拜濟以膾或腰羽  
箭插大黃或擁陞厝侍兩廂或縱左孟屠豕狼或號駢脇勇  
莫當或攝大政朝明堂嶄嶄龍種美且臧圖形褒鄂須眉蒼  
配之太廟薦馨香豫鄭肅勤凡十王黑龍江水流央央麟角

鳳嘴殊煒煌請歌壽考千萬霜

天祐兵

天祐兵紛來降鴨綠以西爭率從天聰聖人多大功於時羣  
部堪堪韜甲興文諸王貝勒再拜獻萬壽恭上 皇帝尊號  
曰仁聖寬溫建國號清以崇德紀元追王四世以上隆禮備  
樂懋建懿親班爵異姓王暨蒙古外藩所任必賢 太宗曰  
吁思子良臣良臣誠可思尙德任功天下治

右 太宗樂歌十一章

山海關

世祖皇帝初紀元命睿親王略中原傳聞逆闖已陷燕三桂  
請抹山海關我師整隊次連山猛士十萬皆控弦虎鈴握符  
啓關門兩軍犄角鋒陵屯立馬而觀蠶旛旛是時賊勢方踴

踰亘山搥鼓咽耳喧前驅搏戰衝中堅怒霆擺磨顛坤乾我  
軍大呼爭欲前直貫其陣矢洞穿俄爾塵開耀戈鋌賊暗奔  
髮豹兩韃驚曰滿兵劇潰奔別將西馳陜崖垠漏網難脫割  
蛟鵬羽檄夜飛奏於闐車馬騶騶來窺巡披豁蒙霧光復噉  
遂統華夷定一尊燔柴祭告廟與天赦書日馳海四罇於閩  
於蜀於粵滇或禽或殪或柔馴 皇帝大聖武且仁廼顧赤  
縣哀墊昏包戈虎皮陳皇墳爰建藩輔崇元臣始終信任加  
愛恩章京髦髦時咨詢盡除苛政與更新萬年溥邇融大鈞

老秘書

謂文學士  
范文程

老秘書無與匹獨請入關申紀律大河以南可傳檄一言先  
救民天道不嗜殺赤手挽劫運元氣迴萌芽早暮何咨咨臣  
不知有家咄哉老秘書爾救時何急屢奏減賦寬民力咄哉

秘書無與匹

出虎牢

出虎牢肅幡幢白頭老監來約降投鞭徑渡揚子江高驤大  
袒踏鍾阜四鎮分裂不能守烏啄通濟門夜開江左誤國多  
庸材樓空燕子竟何往錢塘三日潮不來

十三營

十三營燔於川四大隊燼於滇蘭鳩江上多啼鵲盜賊本王  
人撫綏要好官莫誤三患與二難

右世祖樂歌四章

削逆藩

在昔聖祖嘗有言剿平漢亂須漢人但推誠心任將帥用  
人滿漢原無分之芳奮於浙施琅鬪於閩良棟奪橋戰尤力

徑入滇水剪大鯨國家征討豈得已巨費百萬煩經營若使  
羈縻惑羣議軍或內外分重輕禍蓄方鎮恐未艾老奸得志  
終背盟天縱英智洞萬里屢下詔書議親征盡縛懦帥置之  
獄掩耳不測駭雷霆江北諸軍氣先奮險隘已阨襄陽城嶂  
幄自持賞罰柄指畫關陝窺荆衡八年奏功何神速坐使三  
鎮皆削平益信廟謨要堅定無縱外藩劇罷兵

屯荊州

一軍屯荊州聲罪往擊賊一軍駐西安就近調兵食一軍控  
巴蜀鼠壤防進逼凶鋒孰敢撓孫耿紛煽惑親王往督戰三  
年猶未克天下半騷動征輸困邊邑皇穹照幽隱挾纊有溫  
色廼詔師久勞弓折馬亦踣償補最爲苦發帑示軫惻無論  
數百萬凱旋盡予直巨憝果就殲烽燭汔少熄朝廷不惜財

戰士得死力又聞事平下恩詔盡捐逋賦與休息

噶爾丹

噶爾丹峙駝城萬駝如山縱復橫駝陣堅不可撼風急草枯  
秋黯黯背江一火截其鬣駝起嚙人尻益高須臾火猛風怒  
號大磧中斷山爲焦可憐番兒半燒死駝僵滿地鞭不起但  
聞圓聲鳴何悲瀚海路絕來窮追棄人用駝爾何爲

昭莫多

前年飲馬臚胸河決策再征昭莫多臘土往追無舛譌兩軍  
西出逾忽阿帝親告廟陳陳罇儀黃纛翠蓋鞭龍鬣千乘萬  
騎排楯輜礮載子母兩象馱決拾飲飛劍相磨謀臣猛士皆  
駢羅用材無遺軸與邁北孟納蘭涉逶迤環以幔城高我戕  
鈎陳白虎來捩呵嗟爾準部至么腐窺邊迺敢縱牧牦大軍

距河伏叢柯奪山徑上千丈坡忽然下馬吹紅螺箭鏃如雨  
攢飛梭勢逾拉朽戟倒拖阿奴可敦金盤佗珠鈿委地蹙奴  
蛾幹難漬血流回渦彼虜夜遁涕滂沱武不可究思止戈爰  
詔還蹕駐鸞和迴視大嶺青可摩千官整隊肅鸛鵝獻俘頒  
賞珪瑁送蒲桃滿盞酌碧醪老胡踏筵促使歌雪花如掌紛  
鬢髻北斗以南奈若何我欲走兮無橐駝 帝大歡喜天顏  
酡廼親勒銘篆蚪蚪插漢七老鐫鬱嵯大書趣憲字劈窠薦  
之太學備切劓西海至今清不波

### 收澎湖

五馬奔江鄭氏昌一婢生兒鄭氏亡梟雄割據亦有數鐵人  
三萬空撞塘湖邊飛舸弄寒日白土山前鋒盡折永明年號  
那可支奪取澎湖作巢穴潮頭十丈忽驟高揚旗打鼓亦自

豪獮狼短祚付孽子吼門喧呼潮又起五百戰艦來如飛報  
道官軍入鹿耳海外納降誰草檄姚侯深算老無敵生吞雜  
處思善後淡水何時洗鋒鏑我聞三十六島形勢相鈞連全  
閩屏蔽不可捐雞籠易守亦易失後來牧民當擇賢

歌七詢

女謁其昌乎匪朕志所存冒獸於原乎匪朕躬所親元牝有  
門乎匪朕德所聞武其可黷乎抑何不仁藝其可翫乎是不  
解爲君官室臺榭其侈乎紛不知有民體元主人歌七詢六  
十餘年衍厯淳耄而嗜易以修身退朝日日親儒臣

右 仁廟樂歌六章

輪班對

元年求直言輪班常召對踰年禱旱災大恩復下逮藩邸有



舊人朕心不敢私任官當以能李衛得展施詔紙嚴切千百言批根循實不憚煩自謂寬猛各以時類網力挽堅以持皇考篤仁朕不及獨於人情能深識貪吏必懲不爲刻

平青海

平青海青海功最奇潛兵直搗桑賂西或謂大將軍帳下多異人遁甲豫決勝蕃奴駭如神或謂大將軍撫降跨赤駒飛行渡弱水異域紛矜誇或謂大將軍誅殺頗有權令行羣如山恩行流如泉以臣所聞殊未然當時聖人威如天詔任岳侯使居前軍行不孤利有援將佐調和出萬全異時策浚亦如此賊幾大獲惜中止擁師不救將誰責將帥纍纍竟誅死

狩木蘭

狩木蘭木蘭圍場三百里四十八王來稽首萬馬如雲護天

子紅川草枯獸正肥  
厓口出哨初合圍  
貍獾咆哮呼不得走  
血襟沓窮煙霏更有神鎗發  
何速隔林哮虎倒崖谷  
帝親彎弓響霹靂一矢橫穿兩白鹿  
從臣觀者咸歡呼日暮罷獵還  
穹廬橫腰什榜起獻壽頌賜侯王同大酺  
此誠藝武不憚勤翠華年年望時巡  
世宗手詔忽太息舊制當循此非亟  
朕自宮中求治理今歲木蘭且姑已

制府來

謂鄂爾泰

制府來能撫苗改土歸流苗不驕  
疏陳治本毋治標三邊門戶嚴  
周遭餉事甫定關鎖牢燹道雲黑  
秋騷騷阿盧土司地不毛鵠鳩小  
管驚鳴靴烏雄咎責將誰逃願假  
一軍往置橐誓雪大恥搜砦犄計禽  
爲上要領操疆臣任事敢告勞

右 世宗樂歌四章

大金川

莽莽金沙兮瀘水阻絕冉駝外傲兮萬山翠洵繞洵澗兮多  
雨雪九司逼處兮叫寃跣黠虜違傲兮亟命誅拔莎羅奔口  
遁兮橫以滑剽若妖參兮跳蒼豹恃礪爲固兮據穴竅投奔  
莫碎兮斫莫圻時出剽兮瞰何噉噉澤旺栢兮莫敢相軋士  
驕而懟兮困僭僭頓兵三月兮而未捷 帝怒莫遁兮提斧  
質廼詔元弼兮汝其往撻鍾琪貫罪兮藉以湔袪一礪粹破  
兮數礪前握餘礪三百兮動淹旬日不如棄而直進兮潰其  
窟 帝仁忽休士兮將止殺臣義不俱生兮弗殄弗歆遂犁  
其庭兮宛部盡碎惠肅下濡兮均草蔡族撫旋叛兮盡剪其  
孽地廣難周兮帑亦內竭爲國長計兮贊成勲勛

達瓦齊

達瓦齊不可許塢木特歸我主諸台吉無首鼠歲明秋當大  
舉擣伊犁其可取

和卓木

兆惠敢深入黑水屢潰圍直從大戈壁飛渡白龍堆騰格十  
萬棄不用兩和卓木皆遁歸

歲屢豐

憶昔乾隆全盛日邊民垂白老耕耔太倉陳粟支十年水衡  
緡錢半業委外戶不閉歲屢豐四海晏然無鋒壘自從兵興  
定回疆西南半壁拓萬里盡出內府徃供軍巨費百萬襍繪  
綺金貂有幸封萬戶馴象無聲帖兩耳天子春秋方鼎盛英  
略壯猷古無比江南耆老望臨幸芝蓋春風動淮水侍臣獻  
詩頌功烈日天天顏瞻有喜卷阿勝景尤難繪鶴嶼鸞樓開

麗崎盛秋大閱盛兵衛詐馬教馳看角抵百餘年來未災變  
內禪煌煌告郊時堂懸天章寶五福眼見嗣皇立斧展山川  
重秀日再中異瑞殊祥紛未已堯年耄勤聽亦倦川陝時憂  
盜蠭起三年訓政何辛勤日夜軍符杜陂蹴吁嗟乎請歌昔  
年歲屢豐歲歲年年長如此

右 純廟樂歌四章

靖川楚

曩歲賊起長陽逼襄鄖煽動巴東楚豫何紛紛其時分路進  
剿專責勒保惠齡暨宜綿先後調直省兵及禁旅索倫糜帑  
三千餘萬曾未奏厥勲 睿皇帝四年始親政逮大學士  
珩責以欺罔專擅籍其門自今將佐敢有玩兵養寇復通賄  
賂者其視珩二廼詔百姓生長太平豈知有兵半緣胥吏煎

迫四散而忿爭朕日夜思之恒痛心誠因姑緩刑特獎良吏  
趙華與劉清三新兵毋再增客兵毋輕調官兵屢決戰士兵  
爲嚮導凡爾鄉勇其有挺身殺賊及陷賊死者大吏悉以告  
四 皇帝曰功之不藏由任將非人爾參贊德楞泰累戰常  
冠軍爾都統明亮持重能拊循額勒保登保鯁亮忠勤爲諸  
將先賊憚其威其授爲經略大臣五於時麾下之士曰羅土  
日楊春遇若罷之蹲若龍之驤幕府之傑曰龔景日嚴總一佐  
蜀帥一控肴函六爰議川以東參贊扼之川以西將軍遏之  
餘匪入老林卒禽獮而薙滅之七年十二月飛章告捷  
皇帝廼下明詔宣布中外頒爵元功暨諸將士以次各晉秩  
普免天下租賦民大悅八

青龍港

青龍港戰青龍不怕千萬兵只畏李總戎霆船如山怖殺儂

### 推滑臺

妖星落滑臺摧櫬槍迅掃聞轟雷那侯楊侯操勝算白蓮小  
醜徒爾爲記從牛李煽邪說變生畿輔亦已危青宮膽力最  
英勇親持銳矢殲厥魁飛報行在俱變色廟庭蹀血驚鸛壘  
詔書罪已何哀痛方略日夜籌機幃國家牧民乃根本心腹  
有患非邊郵亟須注意將與相餘事何足煩天扉黃村克逆  
行就縛河北屢捷方窮追虎牙彈丸最密邇先臣捍禦完城  
陣兒時烽燧眼親見旗厭苦烟塵飛邇來邊圻又不靖草竊  
往往聞埋推欲言無補慚諫職回首黎陽涕淚晞

### 戰爲款

以守爲攻以戰爲款用夷制夷疇司厥捷日宋瓜陸勢埒日

本或陸或駝前鑒不遠惟暫與黔地遼疆閱借著而籌爰諏  
海客尾東首西北盡冰溟近交遠攻陸戰之鄰人各本天教  
各本聖中秣異西制不可紊萬里一朔莫如中華不聯之聯  
大食歐巴任瀛者敝得士者疆先收人心戰勝廟堂班班聖  
護炳烈千驥單閑之秋南呂之次小臣朱琦請歌其事邵陽  
魏源更爲之紀

右歌仁宗樂歌十一章

昌彝按凡詩可以被之管絃者名曰樂府自漢以後其法  
已忘後人率多擬作以爲詩家門面不知漢人樂府皆襲  
秦舊又襍以曼聲麗而不經靡而非典去古樂府之法律  
音節遠矣少陵無擬古之什而前後出塞三別三吏等篇  
得風人之旨香山新樂府亦稱是蓋其識卓越千古矣余



友臨桂朱伯韓侍御深於詩謹於行忠孝之氣鬱於至性其新鐃歌四十九章篇什之短長音節之高下各自成調不必貌似古人而可與少陵香山比肩接踵其平日立朝之節忠愛之忱亦於茲可見然則四十九章作車攻馬同之詩讀焉可也輯詩話旣成因附錄於後其所用之書曰一統志曰盛京志曰熱河志曰列祖實錄曰開國方略曰回疆紀略曰三藩紀事曰平定教匪紀略曰川陝紀略曰聖祖至仁宗詩文集曰武功紀盛曰聖武記曰彝令兒子慶焯注之別著於篇咸豐元年四月之吉福建侯官林昌彝記於射鷹樓之東北其戶